

امین کامل
مظفر عازم
رشید نازکی
شفیع شوق
فیاض دلبر
شہناز رشید
شفق سوپوری
حیات عامر حسینی
شاد رمضان
رخسانہ جبین
محمد رمضان
غلام حسن انظر

26

شوق

منزسوم

نیہہ دو

ژوک مودر: مظفر عازم، نذیر آزاد، نثار عظم

امین کامل ۵

مظفر عازم ۷

رشیدنازکی ۹

شفیع شوق ۱۱

منیب الرحمن ۱۵

محمد رمضان ۱۸

فیاض دلبر ۱۹

شہناز رشید ۲۳

حیات عامر حسینی ۲۷

شفیق سوپوری ۲۸

رخسانہ جبین ۳۵

غلام حسن انظر ۳۹

شاد رمضان ۴۰

منیب الرحمن ۴۵

نیب ۲۶

نومبر۔ دسمبر ۲۰۱۱

www.neabinternational.org
editor@neabinternational.org

بانی کار، سرپرست: امین کامل
مدیر: منیب الرحمن
مددگار: فاروق آفاق، حیات عامر حسینی

نیب رسالہ چھوڑ لیس منزہیپ لپہ کڈنہ پوان۔ رسالہ کس مدیر
سٹر خط و کتابتکو، خریداری تہ نگارشات سوزنکو پتہ چھہ:

Muneebur Rahman
c/o Amin Kamil
Budshah Nagar, Natipora,
Srinagar 190015 J&K

نیبس منز چھین والین تخلیقاتن، مضمونن تہ خطن سٹر چھہ نہ ادارک
منفق آسن ضروری، نہ چھہ تہن اندر باوند آمتن خیالن ہنز
ادارس گنہ کج کاہد ذمہ داری۔

ہندوستانس منز فی شمارہ Rs 15، سالانہ Rs 90۔ عرب تہ
یورپی ملکن منز فی شمارہ \$10، سالانہ \$60۔ تہن تمام ملکن
ہند خاطرہ یمن ہنز کرنی ہند تبادلہ نرخ ڈالرس مقابلہ سبھا کم
چھہ، بیہ مول الگ پاٹھو مقرر کرنہ۔

سرورقک تصویر: نامعلوم۔ نیب ناوک ڈیزاین چھہ
مرحوم غلام رسول سنتوش بنوومت۔

یہ پرچہ آوا بچو کیشنل پبلشنگ ہاوس کہہ ذریعہ دلہ چھاپنہ۔

© ساری حقوق چھہ محفوظ۔

نیب رسالکو پراڈ شمارہ ہن امہ چہ ویب سایہ پٹھ
پی ڈی ایف چہ شکلہ منز جلدے دستیاب کرنہ۔

نیبہ دو

چھ نہ کا نہہ نیک عمل۔ اسی چھ پنہن ہم عصرن (خاص کرنوہن ادبین) ہنز لیاقت بروہہ کئہ اُستھ تہ نظر انداز کران۔ اسی چھ یڑھنے مصلحتون تحت بزرگ ادبین ہندن کارنامن تہ گوش دوان۔ یہ رُویہ تہ چھ تبدیلی منگان۔

کانسہ تہ ادیب سندن فن پارن بلکہ تسندس فی وجودس چھ تسندس پیش رو معنی بخشان، لہذا چھ پنہن پیش رون ہنز عظمت تسلیم کر گرتے تھے اسی پنہ ادبی جواز چ گنجائش پیدہ کران۔ تھے پاٹھو چھ پرتھ ادیب سندن مستقبل تہ بقانون نوہن ادبین ہنز نموداری ستر وابستہ۔ اگر نہ اسی بینہ والہن ادبین ہنز لیاقت تسلیم کرو، سون مستقبل چھ گال کھاتس گڑھنک خطرہ۔

ٹوک مؤدر چھ رسالس منز چھن والہن تخلیقات علاوہ کاشر زبانی تہ ادبہ کین مسلن پٹھ مباحثہ شروع کرنہ خاطرہ اکھ اہم فورم۔ چھنکو تہ چھانکو زیادہ موقع تہ ذرائع نہ آسنہ کئی تہ کم فرصتی کئی چھ اکثر سانی چھکرتھ خیال ضائع سپدان۔ ٹوک مؤدر چھ یمن رڑھراونہ تہ یمن پٹھ گفتگو کرنہ خاطرہ آیتن۔ یو دے جایہ ہنز کانہہ بندش چھہ نہ، تاہم پڑاسہ پٹھ کتھ ارتکازہ سان موثر طریقہ پیش کرنہ کس ففس کام پٹھ۔ نیب چھ اکھ خالص ادبی رسالہ۔ سیاست تہ عقیدت گڑھہ مباحثن منز توے ہن پھر نہ تہ یوتاہ اکھ ادبی رسالہ ژاٹھہ ہیکہ۔ نیب رسالہ چھ کشیر اندر سرینگر تہ باقی قصین منز کتاب فروش نش دستیاب۔ فی الحال چھ نہ کشیر منز سالانہ زررٹک کانہہ انتظام۔ البتہ یہ کشیر نمبر سالانہ زرس پٹھ رسالہ واتناونہ۔

-- منیب الرحمن

نور یہ ۲۰۱۲ پٹھ یہ ”نیب“ رسالہ بیہ پرائی پاٹھو دویہ دویہ ریتڑ شائع کرنہ۔ البتہ بیہ رسالک حجم کم کرنہ مگر تہ کر تھ تہ روز کم از کم ۴۰ صفحن ہند۔ کینہہ دوست اسی رسالہ وڑھہ وڑھہ شائع کرچہ خواہش ہتھے ظاہر کران۔ تہندس حکمس چھہ تعمیل۔

رسالس چھہ دون چیزن ہنز ضرورت آسان۔ اکھ پونسہ ٹوک تہ بیاکھ مواد۔ ہم زہ چیز آسن تہ پرن والہن ہنز چھہ نہ کی۔ مہ چھہ خوشی زیم دوشوے ضرورت پورہ کرنہ خاطرہ چھہ میانی کینہہ یار دوست پیش پیش۔ تمن ہند بے حد شکریہ۔ امہ علاوہ چھہ پریسک مالک مصطفیٰ صاب تہ اسہ پٹھ مہربان۔ تسند تہ چھہ شکریہ لازم۔

بیہ رسالک ساروے کھو تہ اہم حصہ چھہ ٹوک مؤدر۔ یہ حصہ چھہ لیکھن تہ پرن والہن درمیان اکھ ڈایلاگ قایم کران تہ تہ کرنہ فن پارن ہند تہ رسالک معیار ہر اونس منز تہ مدد کران۔ وومید چھہ اتھ منز ن یار دوست زیادہ زیادہ دلچسپی۔ واریا ہو و جوہاتو کئی چھہ اسی پنہن فن پارن پٹھ یا اکھ اکو سندن فن پارن پٹھ کتھ کرنس یا تہ مند چھان نہ گوش دوان۔ اتھ رولس منز چھہ تبدیلی ہنز ضرورت۔ حالت چھہ یہ ز اسی چھہ سوال پڑھنس کھوژان تہ سوالن ٹک چہ نظر وچھان۔ جواب دس تہ یا تہ کھوژان نہ کئہ ڈول دوان۔ اگر کانہہ ہند بودا ہو شعر و منزہ اکھ شعر تہ پسند آو یا نظمہ ہند کانہہ حصہ پسند آو، تمیک اقرار کرن چھہ ضروری۔ کانہہ افسانہ یا تنقیدی مضمون یا یمن متعلق کانہہ کتھ پسند آے، تمیک اظہار کرن چھہ ضروری۔ سائین بزرگ ادبین ہنز چھہ اتر نس زیادہ ضرورت تکیا ز تہندک تجربہ چھہ سانہ خاطرہ موللو۔

رسالکو تعریف یار سالہ کس مدیر سندر تعریف چھہ نہ ضروری۔

ہم عصر ادبین درمیان چھہ ادبی چپقلش ہمیشہ روز مڑ تہ یہ چھہ نہ کانہہ چچ کتھ۔ مگر امہ وجہ کئی اکھ اکو سندر بہترین فن پارہ نظر انداز کرنی

ژوک مودر

کرتھ۔ البتہ کہ بہ گزارش ز بحث گوہن ادلس تائے محدود تھا و نہ تھی۔

نذیر آزاد، بمبامہ، سرینگر

◀◀ رود ہیکہ و نہ تہ پتھ مگر حالس چھہ ہو کھے۔ اکھ پیس چھہ تھ تھ کر شامل، genere ژھانڈس پانے۔ نیب چھہ واتان، شکر یہ! مگر میون خوش آسن یا نہ آسن کتھ لگہ۔ اہم چھہ یہ ز کشیر منز کوتاہ چھہ اتھ پران وار وژھہ وانجہ لول بران؟ مظفر عازم، ورجینیا، یو۔ ایس۔

◀◀ نیب ۲۵ وچھتھ گوم دل شاد۔ یہ چھہ بے شک کاثر ادبہ خاطرہ اکھ رت شگون ز تھہ ہیومیعیاری رسالہ آواتھ باگہ۔ یہ چھہ لوت لوت کاثر ادبک صحیح ترجمان بنان۔ مہ چھہ باسان ز یہ چھہ کاثر ادبہ چہ ترقی تہ پا پر جانی خاطرہ گز تہ کیول سنجیدہ کوشش۔ روب دیہ نو قد من مدد اتھ جان کلمہ انجام انس منز۔ بیمہ شارک سر ورق چھہ سبھا مارڈ مؤند۔ اندرہ چھہ مواد تہ سیٹھاہ جان۔ کامل صائغ غزل چھہ جان۔ پو ز نثر پارہ چھہ کیلتا، ہم نثر پارہ چھہ سو نیچہ کس ٹھہر یا متس آلس ملر سلطان۔ بینہ والہن شمارن منز گوہر کامل صابہ نثر کی پیچہ نمونہ قارئین تام و اتہ نا و نہ تھی۔ دیوہ ہم مولو نثر پارہ دہن باقی ادبین تہ جان نثر لیکھہ نچ تحریک تہ بتی گوہرہ ہاسہ تہ زان ز میعاری نثر کتھ ونو۔

ہر دے کول بھارتی صابہ ”نسار منڈی دچھہ رائٹھ“ ناوڈ ناول نما آٹو بیگرافی ہندوؤیم حصہ تہ گو و ہمرا و نہ بجایہ دُ دس منز ہر بر کرتھ۔ یہ چھہ کاثر ادلس منز اکھ ویکھت تہ تو و انداز بیان تہ بتی اکھ خوبصورتہ اضافہ تہ۔ امیک لفظ لفظ چھہ قاریس گنڈتھ تھاوان، باسانی چھہ نہ ز کانہہ ناول چھہ پران بلکہ چھہ یہ باس لگان ز زنتہ چھہ بروٹھ کنہ کانہہ (audiovisual) چلان آسان۔ بے صبری سان چھم ناولہ کہ باقی حصک انتظار۔ مرحوم محی الدین گوہر صابہ ژورنلزمہ چھہ شاندار تہ فکر انگیز۔ پروفیسر رشید نازکی صائغ غزل چھہ خوبصورتھ۔ ”نے چھہ نالان“ وول رفیق راز صاب چھہ نہ تھہ شمارس منز شامل غزلن منز درٹھک گوہان۔ شفیع شوق صابہ نظمہ چھہ تخیل کس جانا وارس نوڈ تہ انہارڈ اسمان حوالہ کران۔ نذیر آزاد صابن رؤسل میرس پیٹھ تحقیقی مقالہ چھہ پرن لائق۔ اکھ بدون اسلوب بٹھ چھہ فیاض دلبر صابن ”ڈار بلڈنگ“ مضمون سیٹھاہ مارڈ مؤند۔ ہم چھہ نثر کیو نظمس پٹھ ہشی گرفت تھاوان۔ بیمہ شمارج خاص پیشکش باسے ہم شہناز رشید صابہ

◀◀ نیب ۲۵ و قتم تہ پیہ اکھ لٹیر و گنیم شانہ ز ژبہ چھتھ میاہ کتہ (رسول میر، نادر خن گو) ہندگوڈ نیک باب شمارس منز شامل کرنس لائق ز و نمت بیمہ خاطرہ بہ انتہائی شکر گزار چھس۔ شمارک مشمولات چھہ واقعی معیاری تہ بہ چھس شہناز رشید نہ تھ کتھ تھ اتفاق کران ز ژہ چھکھ کاثر ادلس تھہ کز آبیاری کران۔ تھہ کز فاروقی صابن اردو کس جدید ادلس اکھ نچ عطا کر۔ مگر اتھ سلسلس منز چھہ یہ کتھ ضروری ز ژہ کرکھ اکس صاحب نظر نقادہ سندھ پاٹھو تخلیقاتن ہند انتخاب تہ خاص کرتھ کرکھ شاعری ہند حصہ منزہ تھہ شعر حذف یمن منز کانہہ سقم آسہ۔ بہ دمہ نہ شمارہ منزہ مثالی البتہ کہ بہ گزارش ز واریاہن شاعرن ہندی شعر چھہ دولخت گوہان۔ غزلہ ہند شعر یا نظم یا رباعی یا ٹکھ چھہ بنیادی طور اکھ سانی اکالی آسان۔ اتھ منز گوہن لفظ تھہ کز تندلہ آسز تھہ زن خیالہ کس تسلسلس تھ لفظن ہندی انسلاکات تہ برو نہ کن یں۔ یموے منزہ وولتن استعارہ یا یموے تھ میلہ روزمرس یا محاورس موقع محل۔ قافیہ پیمانی تھ بن بے شک زہ مصرعہ اکھ شعر مگریم آسن اکھ اکس گن تھ پھر تھ تخلیق کارہ سنز ناکامی پٹھ نوحہ کران۔ کامل صابن ٹوٹک ٹوٹک زندگی، فیاض دلبر صابن ڈار بلڈنگ تہ چون سفر علی گڈھک پرتھ چھہ باسان ز ہم چھہ ترن سوانح عمری یں ہندی باب۔ اگر میون قیاس صحیح چھہ تیلہ چھہ یہ نہ صرف کاثر ادبہ بلکہ کشیر ہند تمدنہ، کلچرہ تہ تاریخی خاطرہ خوش آئند کتھ۔ ژوک مودر چھس بہ شوقہ سان پران۔ یہ ہیکہ ہم عصر ادلس زندہ تہ متحرک تھا ولس منز اکھ اہم رول ادا

گڈھک، ”چھ نہایت دلچسپ تہ تہتی معلوماتی تہ۔ جناب نیب چھ اکھ معیار بناؤں منز کامیاب سپد مت تہ یہ چھہ اکھ ٹاکارہ حقیقت ز معیار بناؤں چھہ مشکل۔ ووں گو وسہ معیار قایم تھاؤں چھہ تمہ کھوتہ تہ مشکل۔ بیتہ نیب ۲۵ کال صاب، کول صاب، شوق صاب، شہناز صاب، راز صاب ہون بہلہ پایہ ووستادن ہند یوشہ کارنثر پاروتہ منظوماتو تہتر آراستہ چھہ، تہتر چھہ کینہہ غیر سنجیدہ منظومات تہ شامل سپد مت ز زبان درازی خاطرہ گوہم معافی وئی پوز نیب رسالک اکھ مداح آسنہ کز کورم عرض۔ لکھاری حضرات تہ پز پتس کلامس سام ہیون تہ یہ کتھ ملوظ نظر تھاؤں زیتھ صنفس منظم طبع آزمایی کران چھہ سو صنف کتھ چھہ عالمی سطحس پیٹھ، دیوہ کاشرس ادبس گوہہ ہے معیاری اضافہ نہ کروا کر ادبہ کس ناولس پٹھہ غیر ضروری تکرار کر تھہ فضول چیز جمع۔ تہتر چھہ نہ گنہ تہ ادبہ کتھ خاطرہ جان۔

وون جناب چھم اکھ عرض، بہ تہ میانی واریاہ دوست چھہ وپڑھان ”نیب“ خاطرہ subscribe کزن۔ پوز ییتے چھہ زانان ز اسہ چھہ زرتعاون شیٹھ روپیہ سالانہ ادا کرنہ۔ پوز یہ چھہ نہ پتاہ ز یہ زرتعاون کتھ اکاؤنٹس چھہ برن تہ کتھہ پاٹھو۔ سیتی چھم یہ عرض ”نیب“ گوڑھ وری لیس منزم کم از کم شپہ پھر شایع سپدن یعنی bi-monthly۔ یہہ کتھہ ہند چھم احساس ز یہ چھہ سیٹھاہ مشکل مگر تہند خاطرہ نہ ہرگز تہ۔ نثار عظم، ڈنگی وجھہ رفیع آباد کشمیر (نثار صاب، یہہ شمارہ پٹھہ یہہ رسالہ دوہہ دوہہ رتی شایع کرنہ۔ وپڑ چھہ نہ کثیر منزم زرتعاون رٹک کانہہ سٹم، البتہ رسالہ چھہ کتاب فروشن نش دستیاب۔ شکریہ۔ ادارہ)

ژورنظم، نہایت خوبصورت تہ فکر انگیز۔ یم چھہ دوہہ پتہ دوہہ اکھ توو اسلوب، اکھ بدون اسلوب بروٹھ گن انان۔ یم چھہ پرتھ پوس تخلیق تہتر تازہ دم باسان۔ نہ چھہ گنہ تکرار در پٹھو گوشان تہ نہ چھہ بہند تخیل یا لفظ راش ژھوکان باسان۔ پرتھ وڑ چھہ یم سوچک اکھ الگ dimension بد کندان۔

حیات عامر حسینی صائز طویل نعتیہ نظم ”فقط چھکھہ ژے محمد“ پڑم۔ گوڈنکر پانژھہ بند پڑتھہ پیوس شش وپٹس منز۔ سچھہ چھہ نہ یوان ز عامر صاب کیاہ چھہ وپڑھان باؤں۔ مثالہ نمویہ بند:

مہ چھم خواہن بنیل گومت مہ وڑ تو

اگر شاعر سندن خواہن پزی بنیل چھہ گومت، یہ چھہ اکھ اندرونی کیفیت یوس شاعر پانہ ژپٹھہ اسہ باوان چھہ۔ امہ اندرونی کیفیتیک پتاہ کتہ آسہ پیہہ کانہہ۔ ”مہ وڑ تو“ چھہ غیر ضروری۔ ووں گوڈاگر شاعر زائن چھہ پڑھان ژم سندن خواہن چھا بنیل گومت کنہ نہ، تیلہ گوڑھہ بند تھہ پاٹھو آسن :

”مہ چھا خواہن بنیل گومت مہ وڑ تو“

باقی ژورن بدن منزم تہ چھہ یوہ صورت حال لبہ یوان۔ فاروق آفاق صاب تہ ایاز رسول نازکی صاب چھہ حسب وومید پانس گن متوجہ کران۔ محمد رمضان صاب چھہ جان غزلہ لیکھان ووں گوڈ ویتھہ شمارس منز شامل تہنر دویمہ غزلہ ہندس مقطّعس منز چھکھہ ”محمد“ لفظ خبر کیا ز ”فعلن“ ورنس منز ورتوومت تیلہ کہ ز نہ یہ ”فعلن“ وزن چھہ۔ ظاہر چھہ ز یہ چھہ غلط العام کاشرس تلفظ کس اثرس تحت ورتاونہ آمت۔ جان چھہ بلکہ ضروری چھہ یہ ز اسہ پز یہ پتس اصلی تلفظس منزے استعمال کزن یعنی ”فعلن“ ورنس منز تکیا ز قرآن مجیدس منز تہ چھہ یہ تھو ورنس منز استعمال سپد مت۔ پیہ چھہ لگ بھگ اکثر زبانن منز یہ ناوامہ کس اصلی صورت حاسل منزے (وزنکہ اعتبارہ) استعمال سپد مت۔ یہ localise کزن چھہ نہ قطعاً تہ جان۔

فدا راجوری صابہ غزلہ چھہ سیٹھاہ جان۔ تہند مضمون ”سفر علی

تلاش امین کامل

”مہ کتھ چھکھ پرژھان۔ ژہ ون پنن۔“ مہ وؤنس واپس،
 ”ژہ کیا چھ یوان بوزنہ؟“
 ”نہ۔ کہنی نہ۔“ تمی وؤن وٹھن برؤڈ ہیو کرتھ۔
 ”مؤ رتیلہ اچھ، کم کتھ چھتھ ترؤ پرتھ تھا و مژہ؟“ مہ ژؤل یہ پکھ
 نیرتھ۔ اصلی یہ ونن اوسم ترؤ آم نہ سوچ نہ سوچ اوس شوٹلگتھ۔ اوہ کڑ
 نہ زیہ کیا اوس را ژ ہند بتہ دب، تر اوس اہتا بہ پور امت یمیک
 باس تمہ تورہ لگان اوس یکرسانی تھری ووشلا وڑ اُس۔ نتہ آسہ
 ژوپارڈ گتھ۔ کیاہ تام کالہ اوہ برہ نب ہیو۔ کنہ کیا۔ یہ چھس بہ ونان
 لفظہ وڈھیہ کڑ۔ کنہ ونن چھم نہ ٹگان۔ نتہ نہ اُس گتھ نہ نگاش۔
 کیاہ تام اوس تھہ جوئل، زرانڈ یا پیہ کینہہ ہیکو وٹھ۔ اٹھ گتھ
 گاشس اندر اُس د ب تہ درسہ کھو اوس ژہاران۔ سہ بروہہ
 بروہہ بند اچھوتہ اکر پتہ پتہ کھلہ اچھو۔
 اکہ پھر سپد زاسہ بالکل لرگو واکھ زوردار دھماکہ تہ کھڑکھڑ ژڑ
 کرتھ گواکھ زمینہ ٹکل وٹھ۔ ہر کائنہ کھیو وٹھ تراس، نہیہ
 گوا۔ رمن رمن پھڑ گمہ تہ شہہ گوا وٹھ۔
 ”کیہو، کیا سپد؟“ تمی پرژھم را وٹھ ہیو۔
 ”کہنی نہ۔“ مہ وؤنس پھر یکہ ہوت مگر ہنادم سمبالتھ ”یہ گوا
 زمینہ ٹکل اکھ وٹھ۔ تمہ سیو داوس نہ کانہہ، بچیہ۔“
 تمس آواسن۔ زنتہ یہ تراس کھتھ اُس اسہ کوسہ تام بڈ بزدلی
 باؤمژ تہ یہ بزدلی چھہ تے ہاوان یم اوہ پکھ وچھ وچھ پکھ چھہ

سہ اوس بروہہ بروہہ بند اچھو پکان، اوہ کڑ نہ زسہ کیا اوس، خودامہ
 گرن اؤن، تر آس زہ وچھہ وچھہ اچھ۔ تمس اوس تمن انسان
 پٹھہ تعجب تہ عاریوان یمن زن کھلہ اچھو پکان وچھہ ہے۔ وچھہ
 ہے کیاؤ پو بوزہ ہے زپکان چھہ۔ تمسند خیال اوس زباطنی اچھہ چھہ
 ظاہری اچھو کھوتہ واریاہ گاشدار تہ معتبر۔ تم چھہ تر تہ وچھتھ
 ہکان یوت نہ ظاہری اچھہ عمراتن تہ وائتھ ہیکن، تہ ظاہری اچھو
 تس پتہ پتہ پکن واکر اُس واریاہ۔ بہ تر اوس۔
 ”لو ب تھ؟“ سہ وڈتھ مہ کن۔ تمس اُس خبر زہ چھس تمس لر
 لو رکھلہ اچھو پکان۔ سہ زانہ مہ لوکہ پانہ پٹھہ۔
 مہ آوتسندس یہ وٹس پٹھہ اُس تہ تمس گوا و میون یہ اُس برطع،
 تکیا ز اچھہ ژکنیس تہ ڈیکس کھو دس درہ۔ ہر گاہ سہ اچھہ بند آسہ
 ہے نہ پکان ضرورت راو ہے مہ گن رتہ برژنظر۔
 وٹھ اُس سبٹھا گچ نہ مناس۔ قدس قدس پٹھہ آسہ کھورن درسہ
 ژلان نیرتھ تہ زنگن اوس پلاسکو پاٹھو کوگوکھان۔ یہ نے کاوین
 زنگن ہند اکھ یو ڈ قافلہ اوس سارڈ سے ناس تراس وٹہ ہوشہ گوشہ
 ژھوٹڈ دوان۔ پد پد، رٹھہ رٹھہ۔
 ”دو پے، کیا چھہ ونان۔“ سہ لوگ رک رک وٹہ، ”کیا چھہ
 باسان، چھا کانہہ صورتھ لٹتہ پتہ نیرنج۔“
 ”کینہہ ہیکہ نہ وٹھ۔“ مہ وٹس ژلہ ون ہیو جواب۔
 ”پتہ ادہ؟“ تمی پرژھم فکرن ہیو گوکھتھ۔

تراوان۔

”اسہ پڑوونی بدل آہیہ ژھونڈ دنی“، تمی ہیو کیاہ تام نو وٹھ کتھ باونی۔ اسہ تہ دؤپ امہ کھوتہ زبر کیا۔ دیویمہ اولیہ منزہ موکلن پائے نیر تہ تہ لویمہ موکھ ہیو کھاری تہ جان ماری تلان گئیہ۔ تام گئیہ یکبارگی اسہ سارنے گئی دین۔ سہ سورے زمینہ ژکل۔ تھ پٹھ اسر ژھنڈ ژھار آس دوان گؤ وکڑاک کڑتھ وٹھ۔ سارنے ژج چچ نیر تھ تہ ساری آہیہ بہ یک آن اکس سرننس زس اندر ہیو لایہ۔

تس رودنہ آکھ باکھ تہ مژرن اچھ۔ اسہ ہیوک نہ وچھ تہ وچھ اچھ۔ سون سورے ژھارن تہ لبن شروپ اچھ ٹیننس منز اکس سرنہ کھوتہ سرننس زس۔ امہ زسہ ہیو اکھستھ؟ کس زانہ، کس چھہ خبر! (نومبر ۱۹۹۶)

پڑگو ویہ زاسر ساری آس راوڑ مڑی ہوڑ۔ پرائی کتھ چھہ یس پانہ روومت آسہ، سہ کیا ہونیکس وٹھ۔ کفر نے گوتھم، کیا ظاہری اچھ تہ کیا باطنی اچھ، دونوئی اوس انہ چہ ژھایہ نال وولمت۔ اچھ آسہ اسمان کن ووتھان۔ تہ ہے کانژھا آسہ ہے ضرور بوڑہے کانہ ہندووش۔ ساری ماچھہ آسان گونہگارے۔

تمس لرلور پکان اوس بہ لازما برونہہ کن وچھان ژھاران تہ قدم تراوان۔ ویسے چھہ نہ مہ زانہہ تہ پکنہ وز دچھن کھوور یا پتھ کن وچھنک عازت۔ خدا زانان امہ وز کیا ز پھر مہ پتھ کن گردن۔ اتہ وچھم کینہہ ژنی ڈفر ہش بنا وٹھ پانہ وانی کیاہ تام کھسر پھسر کران۔ دن دژم کیاہ تام گواہی مگر ششتھ تہ ہیو کم نہ۔ ہر گاہ تمس اچھ بند آسہ ہن نہ، بہ ہاوس یمن کن ز وچھان چھکھ ہم کیا چھہ بیون ژول ہش پھکوان۔ مہ کھری یہندریم اطوار، تکیا ز بیلہ ساری رتھ میل تھ پان مارتھ ژھونڈ دوان آس، یٹھ ڈفر تہ کڑچھہ چھہ کنہ نہ کنہ بربادی ہندیش خیمہ آسان۔

میون دیان گؤ وونی دکلہ۔ بروٹھ کن پکن تہ ژھارن، پتھ کن اتھ ڈفر ژژان روژن۔ میانس سوچس گیہ زہ چھلہ۔ بہ آس باگر نہ۔

وتھ آس برنڑ پتہ برنڑ کر تھ تہ کڈر بنان۔ پڑ دٹلہ تہ تراونہ اوس زونیران۔ رنگن ہندری نار آس شروکان تہ وومان۔

”یتھہ پاٹھو اند نہ“، تمی ہیو کیاہ تام کاکل وڈ، کنہ کانہہ اندری شچھ باونی۔ ”بوڑو، نہ کن وٹھ بوڑو“، پڑگو واسہ تہ ہیو او گوڈنچہ لٹہ تسندس کلامس کن دین، چھرانہ تمہ ڈفر یوسہ وٹھ تہ تھو جابہ او ڈقدم تہ ٹلنہ وراے براہ کھسر پھسر آس کران۔

زس زس زکھ مظفر عازم

زس زس یں... یوت بہ یہ وارہ دون توت بہ یہ نرم؛ یوت یہ نرمہ، توت دلی یہ
بنددارو منز آئے آواز۔
وَن کڈ دوٹھ، تہ وڈان وڈان ووت تو دوری...

بنددارو منز کڈ او پیہ زس زس یں۔ تہ نیوس پیہ تلکھ۔

بہ کتہ؟

سے شرکی پانک گام! یا چھم نہ زس زس زکھ آسیا شرکی پاٹھی ہر دہ راچھی سے ونان،
کنہ یہ اُس بدل کا نہہ زوہ ذاتھ۔

تم دوہ تہ سہ گام؛ یم دوہ تہ یہ گام؛
واریاہ روو، واریاہ لوب؛

مگر اکھ زس زس زکھ! یہ سنگ ڈھیون نہ زانہہ۔

(اکھ سوال پر ڈھی ز یوم نہ کینہہ۔
مہ چھ نہ پانس تران فکر زس زس زین، پیا زانہہ زکھ وراے۔)

مہ ہیوت گپون
مہ ہیوت گپون

نہ نہ، امی یاون تہ ہیوت گپون

سے شرکی پانک گام تہ سہ دون یس اکہ دوہ بہ بسترہ برہ آ یوو۔

زس زس زکھ!

دول دول دکھ!

مہ پر ڈھ تمس (خبر تہی دوہا کنہ از!) ”ہے! یہ پھمب ہے چھ

اورے پھمب ہیو، دونان کیا چھمہن؟“

دوپن، ”تہ پر ڈھی ز ہے پتس بابس یس مہ اتھ دنس دونو

دوان چھ۔ خیر، وونی پر ڈھتھ تہ بوز۔

میاہی اندر کی سازندرن رلو سازس ستر ساز (خبر تہی دوہا کنہ از؟)،

زس زس زکھ
 زوژکھ سَخ
 گارڈوَن کھبکھ
 کلہ ہیر منزگو و سار نے خیال ن گئے وَن۔ کاڈروَن!
 تہ ژو پارکو و تھ گئے گرہ:
 ژس ژس ژکھ!
 ژس ژس ژکھ!
 ژکھ! ژکھ! ژکھ!

زس یں تہ ژھٹہ اکہ نیوس بہ پھرستہ پھمب ہیوٹلتھ تہ تروئس
 نوا باز سڑ کہ پٹھ۔
 (کلچرل در کر تراؤم دوئھ اگر نہ جل اصل لفظ ونہ نواب ب
 ب بازار۔
 نواب؟ نواب؟ گس سنا نواب؟ اما سہ نواب تہ اوسا کا شتر پھمب
 دونس دونوئی دوان؟

یوندقہ والی اوس سہ ولرک یاوہ (کہ مجلہ منزک گستانی کالجیٹ)
 پو پرومت تہ اوس دونان۔ مہ دپ ٹلس فوٹو، مگر کتہ،
 میون زچہ کیمرا گووہے بنگہ تکیا ز یوندقہ ولس اسی ژہس منز
 ہتھ انہار بدلاں۔ بچہ اکہ کوڈ دارو وہ کئی کلہ تہ اس لہل
 کران۔ ہا خدا یو! اُمی ہا تروویہ دوئھ۔ بہ ژولس کوچہ منزی تہ کار
 تھڑتھاؤتھ وونم یوندقہ ولس (دلہ منزی حض)، ہے جنابو کیا ز
 چھوون یہ بچارہ دونان؟ اورہ آیم ہنگہ تہ منگہ تس شری پانہ کس
 دونی سنز آواز: ”تہ گو و پڑھن سانس بابس یس اسہ اتھ دونس
 دونوئی دوان چھ۔“

مہ کلیپہ زو

(مہ آیہ زو):

اکھ غزل، زہ نظمہ رشید نازکی

دو پمس ز بہ لوہ ٹیچ چٹس صحراوہ سو در ژھانڈاں
افتابہ رُتھ در دس دو پنم ز بہ ازماوے
آکالو کلیک پوشا چٹس ماگہ ششتر پراراں
وتم ز ووں کم ہی ون کمہ ساتھ کتن چھاوے
چھبہ نہ کانہہ تہ مثالا یڑھ ہاوے تہ دیکھ زونم
زمن مہ گرہندے رادوم کم داغ جگر ہاوے
صحراوہ امارن منز تمثیل سراکبو وەر
گس سوتھ ژہ ون دکھن کم پوشہ چن پراوے
ہا واوہ مہ کچھ تنہا کانہہ لونچہ گندتھ تھادی
دولہ سونہ سلی نیرو تارکھ تنہ جرناوے
سوئن مہ دوپم بوٹھس پیہ سپد ملاقاتھا
یتھ پاٹھو ون مشکل وونی گوو ز بہ ہرگاوے

نہجاری کتھو لوگھ ہا سونہ سرک واوے
دوتھ پوشہ ہلم ژلہ ون جل یکھ نہ بہ ہاراوے
مہ تہ زونہ گنزو کرتام افتابہ رُتھ موچھہ منز
یتھ شامہ ژھپر ژنجھو منز ژے ونتہ بہ کیا ہاوے
دو پمس ز اندری زولا چھم سرو چراغاں چٹس
اتھ لائے کرتھ گاشس دو پنم ز بہ پرکھاوے
وزل مہ چھبہ لولہ رُمو شبنم مہ چھ ٹینڈن پٹھ
پارد مہ رلیو نارس لوستھ ووں بہ کیا چھاوے
مستانہ برس تل آو پیہ سونہ شہل صجا
گس یادہ ووتر رزؤن گس نادکتن تھاوے
گلریز ژہن پرژھو تو گلزارہ سرو گس اوس
تم ساتھ ینا پھیرتھ پیہ زانہہ تمہ تمہ تاوے
محشر چھہ وزاں اندری فریادو اہونب وول
یتھ جایہ وپڑھے اندر گس دودکتن ساوے
شہہ مشکہ ملر اُسم تن پوشہ چن اُسم
ژے ونتہ ز چھا ممکن تم ساتھ بہ مشراوے

ژھالے

کتہ آ کیکہ رم گمناوان
 ہتھ سیرس ہیو تھم تو مب و پھٹن
 ہتھ رازس لوگھ پن اہسن
 کتہ آ کیکہ زٹھچ پھلیا ہتھ
 کتہ اڈتھن سراون منناوتھ
 ژلی زلفن ہندو خم یلہ تراوتھ
 ژلی راژن ہندو افسانہ قدم
 کتھ رازس زو دینہ آ کیکہ از
 پاتالہ کھستھ پانزالہ و ستھ
 ہتھ طورس تیلو ژھین زلرین زال
 کو ہرژن ج بے ناوون
 ہتھ نرس منز چھہ نہ ژھالی کا نہہ
 انہ راژنہ نہ کتھ پرژھ ژھالیہ گتھن
 وانا کھ سفر چھم تاپہ شہل

احساس

ٹھس ٹھس
 کس چھوہ
 ہتھ بستی منز ٹھس چھہ نہ جائز
 ہتھ چھہ شہن ہندو پارڈو ثینان
 گس وٹھ کمہ سرہ مشکٹھ آمت
 ہتھ چھہ کتھن ہنز ژادرو ونان
 ہستھ اپز یو
 گس چھوہ
 ہتھ چھہ ملامت دب دب دب دب
 گس چھوہ
 ژنن والی چھہ رازارو ستو
 نیت مینان
 گس چھوہ، کس چھوہ
 حمد۔۔ خدایا کا نہہ چھہ نہ
 شاید بے چھس

ہمعصر افسانہ: موضوعی تاہی تی تجربہ شفیع شوق

اخر می الدین تہ ہری کرشن کول نہ وفاتہ پتہ چھ از ہرونہ وہ وری افسانہ پروں، نہ تمہن و ہن و رین ہندس تاریخی پس منظرس منز لیکھنہ آمتی افسانہ معاصر باسان۔ اڑھین زمانہ چھ امی اندازہ کیڑون واقعہن ہند حوالہ تاریخ ہان آمت۔ نہ چھ از تہ تمہن ستھن و رین ہند کیہنہ افسانہ نگار تہ موجود تہ پرن والی تہ۔ میون یہ گفتگو چھ لہذا برابر 1950ء پٹھہ لیکھنہ آمت افسانہ پنن موضوع زان، ہتر زانان۔

گنہ ادبی صنفس منز تجربک فہم تہ ادراک چھ تیلی ممکن۔ یہلہ اسہ امہ کہ روایتک وقوف آسہ۔ اوہ کئی چھ ضروری ز تجربن ہنر کتھ کرنہ ہرونہ و چھواسر ز افسانچ روایت کیاہ چھہ۔

عالمی سطحس پٹھہ تسلیم کرنہ آمتہن افسانہ نگارن ہند فنہ کہ حوالہ چھ افسانہ اکہ جدید ادبی صنفہ کہ مفہومہ۔ پٹھہ روایتس پٹھہ قایم زیہ چھ حقیقی انسانہ سنز زندگی نسبت کنہ مخصوص مختصر واقعچ تہوہ لسانی ترجمانی ز پرن وول ہیکہ واقعہک بصری وقوف حاصل کر تھ؛ امیک حاصل آسہ تفریح، یا آگہی تہ اکثر دونوے۔ واقعہ کس انتخابس منز تہ امچہ پیشکاری منز چھہ لیکھن والی سنز شخصیت لازماً شامل۔ چونکہ لیکھن والی سنز شخصیت چھہ مخصوص زمانہ کہ کلہم مزاز کہ حوالہ تہ تسند قومہ کہ تمدنہ کہ حوالہ مرتب سپدان، افسانس منز چھ زمانہ تہ تمدن بے شوکو پاٹھو امہ کین ترکیبی جون تہ جو یاتن منز ووتلان تہ لہذا چھ افسانس منز زمانہ مکاتک حال ناگزیر۔ امہ

روایتی سفر کرتھ چھ افسانہ ساسہ بدن و رین دوران دلیو، داستانو، قصو تہ حکایتونہ الگ سپد تھ ادبک اکہ مصدقہ صنف ہنہ قایم سپد پومت۔ افسانک یہ مفہوم مد نظر تھو تھ چھہ افسانس تہ باقی بیانیہ ادبس درمیان بنیادی فرق بی زیہ پرائس بیانیہ ادبس منز واقعہ تہ تھ منز آوری کردار قدرن ہند ناواس، افسانس منز چھ واقعہ تہ کردار زمانہ کہ وسیلہ وجود پراوان۔ نہ زمانہ چھ واقعہن تہ کردارن اندر یکھو امہ بیمہ چیزن ہند تالیف تہ چیزن درمیان رشتن ہند ناو۔ چیزن ہند تالیف تہ کس درمیان رشتہ چھ تھ اہمیو تائین یوسہ افسانہ نگارس مد نظر تجربس منز در پٹھو آسہ آمت۔ فضا ساز جو یاتن منز گوہہ نہ منظر کشی یا صوتی موسیقی ہند مقصد آس۔

افسانک یم حد تسلیم کرتھ تہ حدن منز روز تھ زیادہ کھوتہ زیادہ آزادی تلاش کرتھ گو وکاشرس منز افسانہ و ہمہ صدی ہندس شمس دہلس منز شد و مدہ سان شروع تہ شروع گوہان گوہانے لگو سانی افسانہ نگار تجربن ہند ندرتہ مطابق روایت نشہ گریز کر نکو تجربہ کرہ۔

ترجمانی چھہ افسانچ بنیادی روایت تہ اتھ منز اوس گوڈیکے تجربہ افسانک ہر کانہہ جو سیاسی تصور کس خدمتس منز آیتن تھاون نہ ز افسانہ گوڈھ سہ کوچھمت سیاسی تصور تجویز کرن۔

تجلی چھہ۔ کام گوہہ اندنی۔ بہ تہ گوہہ آزاد۔ ژو نگ سو تہ نہ ادہ تپلہ داد۔ انگریز ژول تہ شین کونہ

گول۔ لالہ چھوڑ ڈتا سڑکی بناوڑ لوکو۔ لوکو تہ گڑھن
بڈن۔ منز لگو ما رووڈ منزلی! سئلہ تہ گڑھ پانے پوڈ۔
بیلہ زندہ روز..... ہاہا۔ تمس چھ زندہ روز تک حق۔
آزاد لکھ چھ نہ جل جل مران۔ (سوم ناتھ زٹی: بیلہ
پھول گاش)

اتھ تجربس لراوس بیا کھ تجربہ واقعس منز شامل کردارن ستر
جذباتی سطحس پٹھ وابستگی اظہار یوسہ زبانہ اشارہ آمیز چھبہ
بنادان:

تیمہ دوہہ زون دید بچو بندوق پٹھ کورہ کپڑک پوڑھ
ژھنٹھ تہ ہول گنڈتھ درایہ تمہ دوہہ اُس گاڑ گامس دعو
ژھنٹھ۔ تمہ دوہہ اوس نہ کاوہ پوڑشتر تہ نہ اوس گلبن پٹھ
گنہ کا نہہ کا وٹا وٹا وکراں۔ (دینا ناتھ نادم: جوابی
کارڈ)

زمانہ نسبتا واقعمن ہنز ترجمانی منز چھ ایرنی ہند رویہ در پردہ
ڈراہس خود مختار تہ بنادان:

کئے گرز ووتھ کمر نچھ نہ وار منز۔ زن گئے اگنہ لگنہ
لگراے۔ دو راوڈ اُلداسنز دار پٹھ کس تام یہ بوڑتھ
اُس۔ ظاہر اودہ کنز زگریستین کا ژاہ تھ کرکیتھ تہ ڈراڈ
ج چھبہ۔ (امین کامل: یادوستو، گلوگو)

ترجمانی چھبہ تیلی فن بنان بیلہ کردار، واقعہ، فضا تہ بیانہ نشہ
عقیدہ، وابستگی، جذبات تہ فکر الگ کرتھ افسانہ نگار زندگی منز
موجود لاہدی غیر یقینیت دریافت ہیکہ کرتھ۔ اختر محی الدین سند
دندوڑن:

”ادہ اوس سپہ اپڑے ونان ز گرس منز ہے گڑھ نہ

دندوڑن اُس۔ امہ ستر ہے چھ شکس یوان۔“
اشم وڑھس۔ ”کتھ پاٹھ کھیہ اڈ گلہ بدماش یہ پاچہ
لیج! دتمہ چانہ بلا یہ رتہ چھپہ تہ کٹہ کنہ۔“

شیڈھ پتہ کس افسانس منز چھبہ ترجمانی کردارس گنہ زمانی تہ
مقامی آرس منز انتھ کردارن ہندس داخلی صورتحالس پیش
کراں۔ یہ عمل ہیکہ موزن نقطہ نظر اختیار کرتھ ورگہ ورگہ ولستر
ممکن سپد تھ۔ بنیادی شرط چھ برن دول ہاونہ تہ ہاونہ آمتس
صورتحالس پٹھ یقین کرناؤن۔ تضاد چھ امہ باپت گوڈنیک
ملزوم۔ تضاد کردارس بنیس یا بنین کردارن ستر آسہ، یا آسپس
پتہس ذہنس اندر مختلف دشاین کن حرکتس منز قدرن، احسان، تہ
جذباتن درمیان۔

”گوپیہ تہ چھ مسلمان! کیاہ آسہ یم برقہ پابند چاندنی
چو کہ منز پکان! یمن تہ ما آسہ بیتہ تھے پاٹھ پھر تھ
گوشہان تھ پاٹھ اہہ چھ تہ گوشہان! گوڈہ ما رکھ
اسی تہ تہ ز یمن مارن بیتہ! مگر دلہ کس وٹس کیاہ کردی
ز!“ (ہری کرشن کول: تا پھ)

کردار چھ بعضے پنہ عملہ ستر تعمیر سپدنہ بجایہ گنہ کیفیتس منز
گہر آستھ پنہ کلامہ ستر تہ نون نیران۔ لفظ، کتھ ہندل تراو، تہ
لفظوستی پنہ مطلب پس اظہار تھا ونچہ کوششہ ستر چھ کردار بروٹھ
گن یوان۔ ہمہ آگاہ راوی چھ کردارن کن ووان تہ تہند کلام
مکالمن منز اتان۔ منز منز چھ افسانہ نگار تہ راوی سند کردار
اختیار کرتھ بیانہس منز اُخل سپدان۔ رتن لال شانت سند تہ
درتہہ بتر اتھ افسانہ:

”ژہ چھکھ ساتھ سینومت زانہہ؟ یہ پہاڑ چھ ناباسان

زمنہ چھ خود رنگ دہے پٹاہ و لٹھ تہ تاپہ دستارہ گنڈتھ
کیا ہتام گمبیر کلامہ کرنہ بیوٹھمت؟“ سو اُس ہردہ تاپہ
دوہہ دنہ دار پٹھ بہت پال سرہ اپور بالہ تھنگلن پٹھ نظر و
ستری کیاہ تام ساران ہش۔

شدید ذہنی تناؤس منز چھ کردار بیا کھ شخص ہتھ فریبہ چہ شکلہ منز
بروٹھ کن یوان۔ یہ بیا کھ شخص چھ سماجی، تمدنی، تہ فکری رشتو نشہ
موکل، مگر موزون پس منظر اُے چھ نہ یہ ویژؤن ہیکان ہتھ۔
لیکھن وول چھ خارجی منطق ترا تھ موقعہ چہ نزاکت مطابق بالا
عقلی فضا تعمیر کران، مگر اغلبک خیال تھ تھ۔

”کوڈ کدلس نش و اتھ بوزن پیہ سوے آواز.....
پتھ کن وچھن۔ رودہ شرانہن منز اوس پیہ سے شر
پاڑھری ڈٹ لاگھ اکس وپر ژھایہ راسے وچھان تہ
بریڈی کران۔ تس اُس ترستی ٹھ۔ پیہ کورلس آلو۔
وولا یوری، مہ ستری کونا چھکھ پکان۔ کھوژما، بہ ہانٹھ
پالس ستری.....“ تمس اوس وینے زشرگو وپیہ
غیب۔ تس گو و خوف۔ ادر ہانیمہ ژمہ ہندی جؤ وال
وٹھس کنڈی ہوکھو۔ بامبر ہوت تورا کانس تہ ووتھ
رکنہ داروتہ۔ رہہ منز گوس اکھ چہنہ کھور بند۔ بیا کھ چہنہ
کھور تہ کوڈن، تہ لوگ رہہ منز بھسیو مت چہنہ کھور
کدہ۔ نمہ ستری گوس چندس منز عینکس کر پھ۔ شرانہن
منز اوس نہ تس فکری تران زکتھ کتھ کر رچھ۔ تکر تل
کھوژری کھوژری کلہ تھو۔ دندون بیلیہ شرانہن منز سے
کئے شر بٹھس ہیو رداں کھس اپا رنوا اُس پٹھ دند
ٹکان انہرایہ ودان وچھ۔ گاش اوس تیوت کم زوونی

اوس نہ شری سند بٹھ وینہ یوان، بس پیہ وودنہ کریہنہ
ژھایہ۔
تس گپہ خوفہ ستری کھر تہ مساسا بچو آبہ ڈونھس منز
گوہنہ نغہ۔ مگر پلوگیس رہہ داوڑ۔ چنڑی تھس کبھ
ٹلتھ لوگ ٹینڈری وٹھ نہ وورے وژھہ وژھہ پکینہ۔
زنگہ آس گوبیموہ۔ وونڈ اوس نہ سہ پکان، بلکہ اوس
پالس پکاناوان۔ (شفیع شوق: اکھ شر رودہ
شرانہن منز)

یہ تہ چھ بنان ز افسانہ نگار کر پیرابل (parable) اختراع تھ
منز کردارن ہند اُس ویژؤن باہ۔ ہری کرشنن لازوال افسانہ
”پھر“ چھ اچھ اکھ مثال۔ اؤن، زور، لونگ، کون، کول، ٹینڈہ،
دولہ، وونگ، کھوسہ، کوب تہ پھو پھ۔ کاہ کردار اکس پتھر منز
گاڈہ وٹھ امنہ سان دین گزاری کران۔ کانسہ نہ کانسہ ہند عناد،
سارنہ کانبہ متہ کانبہ عیب تہ سارنہ سفید پاڑھری نالی۔ مگر تہند یہ
سو کھ گو و ختم بیلیہ تھ پتھر منز کرسن پوژھہ ژھنٹھ گستاہ آد تہ دیتنکھ
اکھ اکس نشہ بیون بیون آسنگ ظن۔

کھوژری کھوژری وٹھ تہ پھوٹھ مژروون گنڈ۔ کرہن پوژھہ
وچھتھ ژول پھو پھ پتھ۔ دوپن دپس پاڑھہ کس
رنگس تہ گاڈن کیاہ چھ پانہ وانی واٹھ۔ گاڈن چھ واٹھ پڈ
ستری۔ یڈ ہنز بوچھ ستری۔ یہ یمن کریہنہن پاڑھہن تل
چھتی چھ مہ تھ سفید پاڑھس تل۔ کرہن پوژھہ، سفید
پوژھہ۔ نہ اکھ اکس نش بیون نہ اکھ اکھ سند کھوتہ بہتر۔
نہ ہیکن تہندی کرہن پاڑھہ تہند عیب غیب گرتھ نہ ہیکہ
میون سفید پوژھہ میانہ زندگی ہند کوس کا ستھ۔

مگرستی پیوس ظن زلتس چھہ نہ تگان زہ لفظ تہ ٹھیک پاٹھو
بولو۔ پنہ پھچھہ زبوستی کتھہ پاٹھو پھو رتس یوت زیوٹھ
کلامہ۔ تسند پورہ کلامہ بوز نہ برو نہ تراون تم اسہ پٹھ
اُن۔ (ہری کرشن کول: پھر)

پلاٹ کس ارسطوی تصورس ستی آہ رنگہ رنگہ طریقہ رعایت
نہ۔ ترقی پسندی ہند دورہ پتہ کن افسانہ منر چھہ پلاٹ بروٹھ
معین مفہومہ باپت افسانہ کن سارنہ ترکیبی جزن ہند تیتھ
ترتیب تہ تالیف یس متحرک ساختس تعمیر کران چھہ۔ بعضہ آہ یہ
اکر سے کردارس اندر کچھو باقی کردارن ہند وٹھن یُن تہ تس
ستی تہند بدلون رشتہ۔ مثلاً اخترنس 'پرالب' افسانس منر ڈوگرہ
دورک رامہ ژندر انگریز تحسین تہ میمن تہند ہون رچھک وعدہ وٹھ
پرچھہ ساکرا ڈوہہ داہ ڈیل رٹھہ عیش کرنہ چن یادن پھیر دلس
منر آور، تہ تسند نیچو پی این تہ پی ایٹن نیچو بٹ تس نشہ مشورہ
ژہاران تہ ناامید سپدان۔

پی این دراو دزان دزان۔ پنڈت رامہ ژندر پھیور
بنٹس گن تہ مدرہٹہ ونٹس، ”برسامالیا چلمہ تموک۔

(اختر محی الدین: پرالب)

بعضہ آہ افسانس منر پلاٹ صرف دون کردارن ہند کن مکالمہ
ہند ترتیب۔ مثلاً اخترن یار کیاہ لو افسانس منر شاعر یارس تہ تسنر
نہ کروہ آشتہ درمیان کتھہ باتھہ ز اختر محی الدین مودتہ ریڈیو کشمیر
والیو چھہ تس پٹھہ پروگرامک سنز کو رمت۔

اگر افسانہ نگارن افسانک کلی مدعا تہ مزاج نظر تل تھو تھہ متکلم سند
نقطہ نظر ورتاوتک فیصلہ کو، پلاٹک متبادل ہیکہ اکر سے جایہ
اکر سے کردارہ سند مکالمہ آستھہ تکیا ز متکلم راوی ہیکہ نہ ہمہ آگاہ

آسنہ کہ اعتمادہ باقی کردارن ہند عتم بروٹھم عمل تہ ہند کن ذہن
منر رونما سپدن والین کثیر سمت وولہرشن ز آتھہ تہ بیان کر تھہ۔
امین کامل نس ”سوال چھہ کلک“ افسانس منر چھہ اکھ زانہ نہ اندن
دول نیلے۔ سورے مسلہ چھہ سگریٹ پھونکان تہ ژکھہ ستی کھمان
تھانہ دار افسانہ کس متکلم راویس بوز ناوان تہ ونان:

”یہ بڑا نازک مسلہ ہے۔۔۔۔۔ بوز کتھ چھہ نہ جسج۔ یہ
دھڑکی بات نہیں، یہ چھہ کلک معاملہ، مہ کیا چھہ تسندس
مسلس تہ مازس کران۔ مہ چھہ مسلہ زلاشتہ کلاوس تہ
کورگن اوس۔“

ہتی تجربہ چھہ تیلی ضروری تہ رواییلہ موضوعی جدت انج منگ
کران آہ، نہ باسہ افسانہ کھو کھہو، ترشہ ہرن پٹھہ پھیرن۔ یہ
چھہ تمکن سارنہ افسانہ گو مت یمن منر ساسہ پھر ونہ آثرہ لولہ
دلیلہ یا تنہائی متعلق روایتی کتھہ اساطیری پس منظر منر بے ربط
واقعہن ہند جو کھہر مہم پاٹھو ونہ چھہ آثرہ۔ علامتیت چھہ بجا،
مگر عامیانہ واقعہ علامتن الوندی تراون چھہ نہ کانہ فن۔ سون دور،
یعنی پتہن اکوہن ورین ہند دور، چھہ تھن غیر معمولی واقعہن ہند
تواتر یا تراشہ بیوکا شرین متعلق قایم کرنہ آمتی ساری مقبول
مفروضہ اپز ثابت کرڈ تہ ہوو کھ ز سون وتیرہ تہ رد عمل تہ چھہ باقی
انسان ہند پاٹھو بے باور، ادیشٹھو تہ نا قابل اندازہ۔ یہ چھہ سہ
زمانہ بیلہ گلن بلیسن، شج تہ پونہرین ہنزہ کتھہ چارڈ پاٹھہ بیو و تہ
افسانہ نگار گو حقیقی زندگی ہند ور دار مسلسن، تلخ پزرن ستی دو
بدو۔ ازیک حساس انسان چھہ لول تہ دے، اقرار تہ احتجاج،
معصومیت تہ تجربہ، تہ زونس تہ مرنس درمیان پیچیدہ تہ بدلونین
دوگونہ رشتن ہندس جدلیاتس منر ہینہ آمت؛ افسانہ نگارس چھہ بی

و اے لوتہ و اے آوازن ہند یہ سلسلہ رود جاری۔
یو تام سلہ ٹینس پانژاؤ ہرس جسمس پیچہ کینہہ سکتھے روز
نہ۔ پتہ ٹینس مہنید رسارے دگ تڑ ہتھ۔
گاسہ گچہ تلہ گوژر کڈتھ تڑوزیرا برار ہش شربن نش
واپس۔

زائن، ژینئن تہ پیش کرن۔ یہ موضوعی تبدیلی چھہ ازوکس
ترجمان افسانس منز مناسب تہ نوکھوتہ نوکری ہیتی تجربہ چھہ ضروری
۔ اکہ افسانچ ہیئت ہیکہ نہ پیچہ افسانچ ہیئت ہتھ۔ مثلاً موتک
موضوع چھہ ”ژھبن“ افسانس منز روشن لال کردارہ سندسہ
و اراگ۔ اُس بڑمہ کین ماگیرنٹ کیمپن ہندگو لون چھہ۔ تمام رشتہ
ژھبنہ پتہ ماجہ ہندمرن چھہ مکمل ژھبن۔

روشن لال اوس ٹینٹس نیبرہ کنہ کھڑا ژووا پارک نظرہ
تراوان تہ کیاہ تانی پرناونچ کوشش کران زن تہ اچھن
ژھانچہ بہتھ اُس یوسہ موکلاوان اوس۔ تھس پٹھ
اوس بدلے تیز ہیو۔ اکو نفرن کرہمت تہ چھس بڈ بڈ
ونان.....

روشن لال سہ کتہ کا کھ؟ ژہ کمہ کتھ چھکھ کران؟
کاکس گپہ وہ وری سورگہ واس گامتس، ازموئی مائج۔
بوزتھ مائج موئی۔ ارنی موئی۔ مار او سے صرف شہل
گام وچھمت۔ ماجہ وچھہ گامک شہجارتہ تہ بڑمیک
نارہ صحراوتہ۔ ژہ گوکھ از دوشوئی نشہ آزاد۔ ژہ گوے
ژھبن مکمل.....“ (رتن لال شانت: ژھبن)

یو ہے موت چھہ شفیع شوق نس ”گدڑ“ افسانس منز تشدد پرورسلہ
بٹنہ پانہ ہلاک سپدنہ بروہنہ بے مال شہوتس منز پناہ نئین بنان

:

ڈوکس منز آسہ مائشہ درامن کران۔ مائشہ روزہ رات
راتس درامن کران تہ منز منز تھکھ کڈتھ زٹھو ووش
ہوڑ تراوان۔ ڈوکس منز اُس گکر رات راتس دورہ دور
کران۔ تمن اوس یو ہے کیہ تمام شادیانہ ہیو۔ لوتہ

ترہ نظم منیب الرحمن

نظم در نظم

ہنس اچھ منزد دمت ون

را چھدرس گونستہ اژتھ ڈہ

پانہ پھو رس پننے لشہ نار

پنہ ذہنس بارگرتھ

مچھ ہنز پکھ پٹھ تو لکھ کوہ

زنہ گاشہ چہ ز دیت ٹکھ زلرن

ہونس اشقطن لچ چھا نگر

گڑھ آ بس منز خوان ہند پھو کہ پھول برہ ناو

شاید آ بہ تلچ کا نہہ گا ڈم دھ والبس یون

آسنہ جی یڈ منز آسن ڈمبہ لوگ

پنہ گنہ لفظ چہ ووڈ تا پدہس منز معنی ژا رتھ

ٹیس کڈکھ

پنہ پونر بن تہ کھس اسمانس

وٹکی نارن ہونس دوشوے اچھ کرگلنار

اندرم تام شرو کیس آخر

رونہ آوازن نالو ہنس ژھو پھ ہند کنڈ کزال

تہ نے تگی تہ

پکھ دوشوے بالہ تیتا لس پٹھ و ا تھ

لوسہ ولس افتا بس پرارو

پنہ را ژ ہندس ائرس منز ژنہ ژا رتھ

خوفتہ پیمو کا نہہ ز ژ زیور اوکھ

موجودے موجود چھ غپے غیب

گرتہ کل ته گر

پتہ بیلہ کلہ پٹھ

گرو تھ بون

بونہ کنہ اوس

اکھڑ بچہ تھ نون لوٹ گلنا وتھ

اکھگاڈ زو مشرأ وتھ

تہ پیہ اکھ بیور لگرس سڑ ہنگ ملنا وتھ

پراران

تگر تچ دو

تگر دوپ پانویتہ چھ نہ کانہہ سیو د

میانی عقلہ کھستھ گنوکل

تمہ پتہ دو تھ کل گر پٹھ بون

بونہ کنہ اوس

گرتس پراران

پیہ اکھڑ بچہ

پیہ اکھگاڈ

پیہ اکھ بیور

پیہ اکھ لگر

تہ پیہ اکھ کل

شام

ڈل آ بس منز

سفید معصوم

او برہ چہ چھلہ ہندک

رتہ سرک پانن

ترا مشروٹھ

تہ بالو پٹھ وڑھمہ

ژھایہ

مس پرأ تھ

آ بس اندر اندر

ماتم گیر

زہ غزل محمد رمضان

یہ کیٹھ سا نور پھول نارس سحر گڑھی تھے
پتھر پیو و سور پردارس سحر گڑھی تھے
یہ وچھ کمر کالہ شہمارن یہ وولمت اوس
پتھر پیو تھالے دیوارس سحر گڑھی تھے
ہہ شوگمت ووتھ یورن چشمن پر بولون گاش
ندر پیو چھہ بیدارس سحر گڑھی تھے
بہ کم اقرار کرنووس شکو گٹہ زکو
مہ کتھ کیت پیون چھہ انکارس سحر گڑھی تھے
ہنا افتابہ نیرتھ شولہ ناؤن دودھ
تور کیا ہاودہ شب دارس سحر گڑھی تھے
خیالن مانڈ ظلماتے اناں لیکن
شکل نیراں چھہ تڑ شعرس سحر گڑھی تھے
سیاہی ہنز گواہی کیا کری رمضان
چھہ تھہ دین گاشہ گنکارس سحر گڑھی تھے

پر تھہ کانہہ چھہ دپاں مینہ مینہ احسان کرن گوڑھ
تیتھ معجزہ وونی پانہ یہ طوفان کرن گوڑھ
کوٹ تام گڑھو ناد دوان یورہ شنس منز
کانہہ آلو وونی اورہ کے انسان کرن گوڑھ
تراوتھ تہ ہیکو ٹیٹھ مگر کونہ تسی اسہ پٹھ
تھر سند پنن آزار مہربان کرن گوڑھ
سیماب طبیعت چھہ کرو کیا تہ گڑھو کوٹ
کانہہ معاملہ دودھ رات پریشان کرن گوڑھ
آسان اگر آسہ تہ مشکل چھہ بناوان
مشکل تہ اگر اوس تہ آسان کرن گوڑھ
نیو قافین اظہار کُرتھ بوز ردیفن
اتہ اور ووں کیا شاعری رمضان کرن گوڑھ

کنہ منہ تو وو۔۔ فیاض دلبر

پیر صاب اوس حسب معمول یو نمہ پورچہ آنگن طرفہ چہ دارِ منہ پڑے
تہ قلمدان بروہنہ کنہ رُٹھ چیں پیالہ تہ تعویذہ لیکھنس منہ مصروف ز
دارِ نمبر کی استادہ پیر صابس نش آمتن لوکن منہ شامل ماجہ ہندس
وچھس ستر لگتھ دودہ موصم شرک کڈ پیہ اکہ لٹہ ووٹھ تہ ماجہ ژول ہلہ
نیرتھ۔ ”بسم اللہ۔ ژہ خود ایس حوالہ۔“ تہ یہ وُنتھ دژن تس کمرس
ژنڈ۔

پیر صابن ول کلہ پٹھ نہ پے کرؤن ململو دستار یون، رژہ کھنچہ
دون اتھن منہ رُٹھ وُٹن تھ پھوکھاہ تہ سہ واپس کلس پٹھ تھوان
تھوان پھیو رشرک سنز ماجگن۔ ”ووٹہ کرہ پٹھ بی چھ کڈان؟“
”میانی کڑتی ساتہ پٹھ پیلہ کشپ ریشو سستی سرس آب کوڈ۔“
موج آس اندر کی اندری سوچان۔

”کیاہ؟“ پیر صاب تہ زن اوس اندری حیرتن۔
ماجہ ژول ووشانیر تھ تہ وُونس۔ ”نہ حض نہہ گر پٹھ ناھض اوس
نہ یُٹھ۔ ٹھیک ہے اوس۔ عزیز دید، عزمہ وارینہ حض پیلہ بڈر
بس کوچھ منہ تر وودپان اس آس تھس پٹھ نفیس تہ خوشیوڈی
اسن تر اے تہ موجود تہ پتہ پیلہ کر کنس تل باگک دژس۔“
”تہ اکر کڈ ووٹھ۔ تی بی؟“ تھس پٹھ تھجوک تاثر ووتلاوان
ووتلاوان ہیوون پیر صاب تنجس واتن زتمہ کوڈ غلط فہمی منہ۔
”نہ حض، نہ حض، استغفر اللہ، استغفر اللہ۔ باگک بوژتھ ہے
اس تھس پٹھ سکون تہ اطمینان ووتلیو۔“

”پتھ ادہ؟“ پیر صاب ہیوٹھ کتھہ بیہن گینڈ کڈ ناوہ۔
ماجہ تر وگوڈ نکہ کھوتہ تہ زیوٹھ ووشانیر تجربہ کار داستان گو سندر
پاٹھر واقعہ بیان کرنہ۔ ”قرنہ پھیر حض بیہ کیا؟ یہ ہے وارہ کارہ
اوس اسان تہ گندان، باشہ کران۔ ادہ کمر تام نخلین کڈ نووم
ووٹھ۔“

برنس کھنڈس ژھوپہ کرنہ پتہ تر ووماجہ بیہ اکھ تژن ووش۔ ”پھلے
اُس برجستہ، عیشہ مژ لوکھ اُسی بادم وارِ مائلس درامژ۔ تم اُسی پھلے
چھاوان چھاوان گارن تہ لطف تلان تہ نون چایہ پیالا پیالہ
چچوان۔ سازندرو آسہ سازن تارہ چارمژہ تہ وگنہ ونہ وُن اوس
طیس پٹھ ز اُتھی منہ آم کتام یس نکھہ تلہ تہ کو نرم یس کنس
تل کتنا مننا تو، تہ اکر کڈ ووٹھ۔ بس سو ساعت تہ یہ دوہہ۔“ یہ
وُنتھ اُس موج وودی دچھنہ اتھہ چہ ماو ستر اوش صاف کران تہ
پیر صابن پرژھنس۔ ”ناوکیا تھتھس کو رمت؟“
”تی حض۔“ تمہ دتیس جواب۔
”کیا؟“ پیر صابس اوس نہ کنہی تہ پلہ پتہ مت۔
”کتنا مننا۔ اس حض چھی وودنی ساری امی ناوہ زانان۔“ کتنا مننا
تو۔ پزر ہے بوزکھ مہ نہ حض وودنی پانس تہ ژیتیس اس کیا ناو
اوس اسہ اصلی کو رمت۔ ”یہ وُنتھ دیت ماجہ دم تہ بیٹھ یاداشت
کس خبر کتھ گنہنس منہ نیچو سندر ناوژہا نڈنہ۔ تمہ پڑ ناو کی اندر
اندری خبر کا تیاہ کاغذ دفتر، خبر کا تہن مچن تہ مٹن ٹلن ٹھانڈہ۔ خبر

شنیہا نش تہ سبٹھا دور درامتر، لہذا اوس نہ تس وونی تہند سہارہ تہ رودمت۔ نتیجہ سہ اوس وونی دوہہ کھوتہ دوہہ مزید لاغر تہ کمزور گھوہان تہ معمولی کر بکہ یا آواز ستر اُس تس تیر کنڈی پھان، ہیر ہو کھان تہ زونیہ تھ ژلان مگرامہ وہمہ، خوفہ تہ کمزوری باوجود اوس سہ وونی شہرک اکھ با کمال تہ ہنرمند کاری گربنیومت۔ ڈونی بچہ پٹھ خوبصورت تہ اویل تہ زایل نقش و نگار و وتلاون وول کاری گر، تہ یہ کاری گری اوس سہ گری اکس لوکٹس گٹھس منز کران،

تھ سہ کارخانہ و نان اوس۔

لوکن ہند کانپہ اوس سہ پنن زیادہ کھوتہ زیادہ وقت وونی پننس اٹھ کارخانہس منز دوان۔ پٹھہ پیلہ پتہ کر فیوہن تہ ہڑتال کلینڈر ہیتن نیرنی تھ کو کر کارخانہ نیر نیژن بالکل بند تہ روددہ ہر اتھ پننس کامہ کارس منز مشغول۔ اٹھ دوران آودوہا اکھ۔ کم تام اُس ہڑتال کال دژ مژ۔ ساری باز، ساری دفتر تہ دویکو کاروباری ادارہ اُس بند۔ سہ اوس امہ نش بہ خبر۔ پننس کارخانہس منز داربر بند تھوتھ ڈونی بچہ پٹھ نقش و وتلاونس منز مست ز کم تام دژ تسنر شیشہ دار کی گول اندر دأ رتھ۔ شیشہ پٹس گو وچورہ۔

نقش و وتلاونہ باپت یمہ بچہ ٹھاپ ستر سہ کام کران اوس تمیک ٹھپ ٹھپ گو ویکخت بند۔ کینون ژہنن گیہ قبرستانچ ہش خاموشی۔ تمہ پتہ کھوتھ کی وارہ وارہ دأ رتہ لاین بڈ کر یکھ۔

”ہیو۔۔۔ یہ کیوچلا وہ گول؟ بڈہ پاگل چھوہ۔ ہر گاہ کانہہ بیہ ہا؟“

کاژا ہن المارہن تہ صندوق دیتن دونژ تہ اٹھ منز زنتہ پیوس بنگہ تار پٹھ کھوتہ لچس گرین تہ وژھ لیکخت پیر صابس گن۔ ”ہتہ حض پیر صاب بڈہ چھکھ گو مت خودا لیس پتھ۔ وچھ بڈتھ تہ بولتھ کیا چھم دپان اس کیا چھ ناوکو رمت؟ زن نہ پانس پتاہ چھ۔ کتابہ وچھتھ ہے ژڈی کیا ہتام ناوکو تھس۔“

ہے بنگہ ہیو گھوتھ لوگ پیر صاب منہ منز مختلف ناون گردان کر نہ تہ پرتھ ناوس ستر ستر روئی منز کلس زیر زیرتہ دوان۔ زنتہ اکھ اکھ ناوہوان ہوان پانی پانے پانس و نان اوس نہ یہ تہ نہ نہ یہ تہ نہ۔ تہ لی کران کران گو وودوہا گڈران تہ کتنا منا تو گو و یڈ۔ وونی اوس سہ عام دویمین لوکن ہندی پاٹھ لسنہ بسہ موکھ تہ سورے کینہہ کران تھ معمول ونو تہ تھ پٹھ کنہ قسمک تجب یا حیرت ہیکہ نہ گھوتھ مگر زندگی ہنژ اتھ ووسہ دروسہ منز اوس تسند ناو وونی تھنر ساروے کھوتہ بڈ پریشانی بنیومت۔

سہ یام گرنہر نیر ہالو کھ اُس تس یہ دلی زنتہ ہلکاری ہونی سندری پاٹھ پتہ لاران۔ مختلف جمائہ تہ تنظیمہ آسہ تس کتنا منا تو وونی ریشہ تلان، وٹھ کڈ ناوان تہ حسب ضرورت استعمال تہ کران۔

بازر پٹھہ پیلہ تس کتنا منا تو بکو حملہ گھوہہ ہن سہ اوس شر وکنہن اژان تہ وانہ پنجن تل تہ بونہ گوگن منز ژور روزتھ چہارمہ اسمانہ کر یکہ دی دی خوداے تہ پیغمبرن ہندی سوال دوان ز کانہہ اکھائی تو جہندس بچاوس مگر اکثر اوس یہ سپدان ز تس کھوژ ناوان والی، ریشہ ٹگن والی، تماشا گیر بلکہ ویتہ پکونی عام لوکھ، ساری اُس تسنر بے چارگی، جہندس خوفس تہ لاچاری پٹھ محض اس کھنگالاہ تراوان تہ مستیہ کران۔

موج تہ پیر صاب، دوشوے اُس تسند ناوژھانڈان ژھانڈان

پستہ کی یاد ۹۵؟ فیاض دلبر

”آ۔۔۔ میں پوچھ رہا ہوں کہ آ، تی اوس۔ مہ چھ زن
کا لک بتہ ژتس۔ بریدر مشک اوس پھولس تیار تہ مہ وچھ سو
پنہ پانہ کدلہ پور تران۔ تھس پٹھ میانہ شوچ سوے اس تراے
تہ اچھن منز سے اقرار نامہ ہتھ ز چانی پھس فقط چانی پھس۔ مگر
۔۔۔“ یہ وٹھ تر وٹھا کی اکھ مویوس کن ترن ووشاہ تہ تھ کر ستر ژھن
پن کلہ کوٹھن منز۔ رٹھ کھنچہ روز اکھ پراسرار ژھو پ تہ بوزن
والر رودر اکھ اس معنی خیز نظر و چھان تہ اچھو اچھوے پانہ والی
مختلف سوال کران۔ حاضرین منز شامل کینہہ نو جوان آس وونی
دل برداشت گئی۔ تہ آس جلد از جلد واقعہ کو تمام تر تفصیلات
بوزنی یژھان، تھ زن ینہ والین نسلن باپت تاریخ مرتب کرتھ
ہیکہ ہن۔ توہ کنر لائے تمونزہ اگر نو جوان (خونخوار قسمکو
نو جوان) ٹاٹھس کر بیکھ۔
”ٹاٹھیہ چانیو ووشو ستر ناہر نہ اسہ کانہہ تہ فایدہ۔ نہ ہیکن سانی
خواب پورہ گپوتھ، لہذا ون ساسہ سیو دسیو دتہ صاف لفظن منز
سورے معاملہ کیاہ چھ؟ ساسہ بدر زور تہ چھپہ ونہ پتہ ہر گاہ سو
کدلہ پور ترنس تیار آس، پتہ کیاہ گوس ادہ؟ تس کم کو ر یورنس
ٹھا کھ؟“
ٹاٹھس ووتلیہ وونی تھس پٹھ اسنہ ہناتہ ووتھ نو جوانس کن در
جواب۔
”بوز ساگو براہ۔ اکھ چیز اکھ چھ ہتھ قر نہ پھیر ونان چھ۔

معاملہ چھ ہتھ پٹھ ز مہ تہ میانو دویو کینو و ہم عمر دوستو اوس
لو کپارے یہ وچھمت ز خوجہ سندس دیوان خانس پٹھ چھ تاج
محلک اکھ لوکٹ موکٹ نموناہ اکس المار اندر بند تھونہ آمت،
یمہ کس سفید سنگ مرمرس وونی گرد ہندر خبر کا تیاہ تہہ آسن کھتر
متر۔“
تاج محلک ذکرینس پٹھ آسن وونی مجلسہ منز موجود نو جوان ہنزہ
اچھ بیہ ہن تہ زوتہ ہیوہ مژہ تہ ٹاٹھس تہ اوس پن پتھ کال اکھ
اکہ ورقہ دیدمان۔
”آ۔۔۔ تھو دورس منز چھ لو کہ اساتس تھی من تو شدم تو من شدی تہ
ونہ یوان۔ خیر صلاح، بہ کیاہ اوس ونان؟“
کانسہ ہندس جوابس بیار نہ ورا لی لوگ ٹوٹھ بیان کرنہ ”آ، خوجہ
ہندس دیوان خانس منز قید تاج محل۔ تھ المار منز تھونہ اوس آمت
تھ اوس پرون کھیہ لد قلفاہ دتھ، پٹھ ا سکھ تچ کونز تہ خبر کتھ
در پاوس دا رتھ ژھنمو۔“ یہ بوزتھ ووتلیہ کینون نو جوان تھس
پٹھ تچکو تاثر تہ کینون کھیو وین تراس۔ ٹاٹھو دژ تھندن تھن
کن اکھ نظراہ تہ تھون پن کلام جاری۔
”پتھ کیاہ ادہ؟ خیر۔ ہپار کی قلفس کھ تہ ہپار کی لگو اسی کینہہ
نو جوان مختلف سبیلہ کرنہ۔ تھو دوران پیہ مہ تس پٹھ نظر۔ سو
اُس ژوشو پیہرن پنہ گٹھ چہ پنجرہ دار کن مہ کن تھلہ تھلہ
وچھتھ پننس پھرنہ ناس میانہ شوک دو ولاگان آسان۔“

”گری سازس پنڑ مڑھہ گڑ حوالہ کرنہ پتہ نے سواکس ژہس تہ رکبیہ۔ تمہ ہے خبر کپار گنی ژہال نیہ۔ آ، مہ پرژھو گری سازس ز وقت کیاہ آؤ؟ مگر تس تہ رو و حساب تکیا ز ولس منز لبن پٹھ او یزان تہ شوکیسس منز تھونہ آمژن سار نے گرن اوس بیون بیون وقت۔ پٹھ اوس نہ اجن گرن بجھے۔ اؤہن نہ مہی۔ کینون نہ گنتی تہ کینہہ خبر کمہ زمانہ پٹھ زنتہ روٹہ کمزہ۔“

یہ وٹھ ہیہ ایہ ٹاٹھی پیہ اک لٹہ ژھو پہ کرنی ز اچھو اچھوے کورس بوزن والیو بیان جاری تھونک اصرار۔

”پتہ کیاہ ادہ؟ بہ ہے وٹھس گری سازس پیہ اک لٹہ، نہ حض تہ ونان کونہ جھکھ وقت کیاہ آؤ؟ اسہ تہ ہے تھ سامانہ چھ اُن۔ داہ میاری چھہ کرنہ۔ حق چھ سار نے گرن اک اک وچھنہ پتہ بیلہ نہ تس کنہی تہ سمجھ آوسہ تہ گو ویلہ ہے چورتہ ہیو۔ تم کڑ پیہ مختلف گرن مشک ہیو، مگر تہ وقت پچانچ کوشش تہ تھو ستر تہ کرے ین وق سارنگو سز مگر بہہ سود۔۔۔“ اٹھی ستر ترو وٹاٹھی اکھ ز پوٹھ (ظاہر اُخری) ووش تہ اوش دار تراوان تراوان وون، ”امہ پتہ وولس بہ گری سازن وانہ پٹھ یون۔ وانہ کس پھالوس کورن کئے درہ تہ ولس قلف تھ گؤ ولو کہ اساتس منز غیب تہ تھو ستر گبیہ چھگ۔“

یہ ونہ پتہ گبیہ ٹاٹھی سزن ز ہر موہر رنگہ چین اچھن ہنز چمک اچانک غیب تہ پڑا اللہ تہ حاضرینو اللہ وانا اللہ راجعون۔

ٹاٹھی کڑ مڑھہ کھنچہ ژھو پتہ سارنی آیہ تہندس بزرگ ہٹھس پٹھ تہنز جوانی ہندک خد وخال واضع طور لبہ۔ مند چھان مند چھان گڑ تم کڑ پنہ ہٹھیک ووشلن ژور تھاونچ ناکام کوشش۔ ”پتہ کیاہ ادہ؟ معاملہ بیلہ طیس پٹھ ووت، اسہ باسیو وراسی ہیکو نہ اکھ اوس بغیر وونی زندہ روز تھ، خوجہ ہندس دیوان خالس پٹھ ہیہ کھ اٹھو دوران اسہ خلاف ژویہ کرنہ، اکہ ہتہ تہ پیہ ہتہ ہتیکھ سامہ دور کر بہانہ ژھانڈی۔ تس آو پنجرہ دار پٹھ ہٹھس ٹاک کرنہ تہ وونی اُسر اُسر صرف دور دوری اکھ اُسر محسوس ہیکان کڑ تھ تہ گاہ بہ گاہ کاوس یاد اوس اٹھہ اکھ اُسر شچھاہ پیغامہ سوزان۔“ ٹاٹھس ژول پیہ اک لٹہ غیر شعوری طور ووشاہ نیہ تھ تہ تس اندک پکڑ موجود نو جوانن تہ باسیہ شہن ہنز کھسہ وسہ منز باگ کندک تڑس لگان۔

”تہ پتہ؟“ کم تہ نام نو جوان دژ ٹاٹھس پیہ زیر۔

”پتہ کیاہ سا؟ پتہ وچھ مہ سوا کہ دوہہ پنہ پانہ کدلہ پور تران۔ سو آیہ جرنیلی سڑ کہ کڑ تہ لوگن مہ گن کچن۔ مہ لاگ اندری اندری تس ستھ سمسار وندنی تہ گوس سہ منز بازرس استادہ۔ وون اُسر اُسر اکھ اُسر سپد سیو دصرف دون شہن ہندس دور رس پٹھ تہ ژون اچھن منز اُسر وکلک پیالہ لبریز گوہنص تیار ز تمہ مہ پنہ مڑھہ ہنز کڑ کھولتہ تہ ژاپہ گری ساز ولس منز۔“

”کیاہ؟“ سار نے حاضرین ژول لیکھت تہ اکی شہہ نیہ تھ۔

”پتہ کیاہ ادہ؟ تس اُسر ناگڑ بہتھ گمہ تہ وٹیک اندازہ لگان اوس مشکل۔“ ٹاٹھی کڑ وضاحت۔

”گری سازن کیاہ وولس؟“ عقلہ کام ہوان ہوان پرژھس کم تہاں۔ ٹاٹھی کور مڑھہ کھنچہ ولس ستر مشورہ تہ ہیوٹھ معاملہ وپڑھنا ویر۔

آٹھ غزل شہناز رشید

یقینہ والی چھہ ہلمس بران رودے رود
سہ آستان چھہ دوڑھو باگران رودے رود
ووداسی وٹھ چھہ امس ژندہار تا قندہار
توے چھہ زوہر پیا پے ہران رودے رود
انان کانسہ یہ نوڑی پرٹھپس اندر روزتھ
تہ کانسہ نش چھہ یہ نیول آسمان رودے رود
نیردی چھہ میٹھ، سبٹھا میٹھ، دلچسپ باسان
اندری اندر چھہ پرتھ اکھ داستان رودے رود
شمر یواں تہ دواں نار شام وقتہ یمن
مہہ پیہ یاد مہہ نش سایبان رودے رود
تمام ناگ سکونکو وچھم تتی نیران
یتن رشیدہ بظاہر وزن رودے رود

کاٹھن طوطہ کلن از سہ اگر مژرنہ آو
یُس تھوٹھ قید تمس اوس سہ بر مژرنہ آو
آیتن اُسی ہوتن اُسی کتنن اُسی نہ داغ
کتھ گلن ہنز مہہ تجم پورہ شہر مژرنہ آو
کیاز لیوکھتھ زٹہ چھی یار وچھاں از تہ وقن
کیاز سوچتھ نہ مہہ زن زخم جگر مژرنہ آو
ستمہ دروازہ اپور اُس چھرا تاریکی
کانہہ ونن گوڑھ مہہ یٹے کیاز سہ بر مژرنہ آو
ہاوسن اسی تہ خریدار مگر تمہہ وانک زانہہ
لوگ نہ پے کر سہ سپد بند تہ کر مژرنہ آو
پورہ بستنیہ خبر اُس خٹک کیا چھہ مدعا
نار ما دیاو توے گامہ نہر مژرنہ آو

اکہ دوہہ شامن دروازس پٹھ آئیو سوتنک واو
 درکچن تارک وچھتھ ڈول توری اوس یورک واو
 گردے یاژ پکھن تھنزن پٹھ گردے یاژ فقط
 زتنہ کلمین چھہ نہ خبرے تمن لوگ کمہ دامانک واو
 ونہ تر چھ میانس گامس اندر اندر سبزارے سبزار
 میانن نبضن اندر ژاو یہ کمہ صحراوک واو
 ژوشوے طرفو کاڈچھ کوڈمت سیکہ ہندوستی سرن
 کشپ ریش چھ نہ تن وچھانی کھادنی یارک واو
 تھہ وفتنس منز اُس نہ بازار نقلی پوش پیتر
 رم رم شہلاوان مہ اوسم ووزلہ گولابک واو
 میانہ شعورک ہانز خبر کتھ لہ منز قید گو مت
 ہتھہ کئی ماغر قاب مہ کر ہے داے یہ ولورک واو

سج یہ تمہر سہ چھ مہمل کتاب ژیری پہن
 سہ نکتہ دان سپد لاجواب ژیری پہن
 تھند سہ تیر وچھس لوگ نہ جسم پھول سورے
 بنیایہ میانی چھوکل تن گولاب ژیری پہن
 حسین تر چھہ فقط لہ پٹہ، پن آگن
 چھہ کینہہ نظارہ گوشاں بے نقاب ژیری پہن
 ووں توری یہ فکر اس نیر پان چھاوتھ کیا
 قرارہ بیوٹھ یہ سرکش چناب ژیری پہن
 نہ والہ کدلہ ٹھٹھس کانہہ نہ کھوڑ گاٹھک ہانز
 بلاے سپد مگر غرق آب ژیری پہن

چھ کوہ قاف ٹٹھ مرد حق یواں سونے
 بہہ وایہ چھ تہ چھ تندرہس حیا دواں سونے
 وجارہ دولرہ بٹھس ستر واوہ ہالہ اندر
 کمس نہ پے زیہ گن زون شمع دزاں سونے
 سہ حرفہ حرفہ وٹھن پٹھ چھ یس دلیلہ گرہن
 تہ تھ نہ کانہہ تہ چھ راوی، سہ داستاں سونے
 چھکھ آہ مشقہ نکھن پٹھ تہ سکھ بڑتھ ہلمن
 عجیب بانبر ہوت یس و سہ دواں سونے
 پز چھ اسر چھ بڑھاں باج آسمانن ہیون
 ہتارہ نب چھ پیا پے مگر ہراں سونے
 اگر وچھو تہ انچ سیر سیر سانی میو
 اگر سنو تہ یہ مکتب سبق پراں سونے

ناگ اوس، خیمہ اوس نہ کانہہ اوٹھ وول اوس
 سکھ اُس، تا پھ اوس تہ اکھ خانہ مول اوس
 فوج اوس، رانی اُس، تسند پورہ قبضہ اوس
 میانس وچھس منز اٹھونے اکھ تکر اول اوس
 میانن شرہن پچایہ پیتی کاغزو سو ناو
 پھر پھر وچھان دولرہ کس آہس سہ مول اوس
 تس ستر اوس رقص کراں از تہ پورہ شہر
 وحشی ولس منز از تہ سہ وایان ڈول اوس
 نفرت کران اُس نہ اسر اکھ اکس دوہے
 اُس مہ ستر مے مہ تھ ستر لول اوس

ہیتھ بازرس اندر نہ کمس ہول کمر گڑھان
 ووڈی گڈوز زیادہ تر چھموزورس یہ ور گڑھان
 یم دادی سانی تری نہ کزل ون اپور زانہہ
 وچھوے تہ سانی کاو دوہے کاشغر گڑھان
 بازری تہ سے پکان تہ کر بل تہ سے وچھان
 دامن گڑھان تر نہ تمس چشمہ تر گڑھان
 میون آسمان کیا ز اکے موٹھ ووں رودمت
 دیوارہ بڑی چھہ کیا ز یہ میانی نظر گڑھان
 کمہ تام دردہ پوری قبیلکو تم آسنو
 تمہ قافلک توے نہ کنن شورہ شر گڑھان

دپہر دزاں نہ پوڑ نہ ژادر نہ مول موج
 جنگل تہ وقت شام نہ شمعہ نہ ستر بوج
 پر تھ زرد ویر تل چھہ شوگل تھ خوب روجنات
 پر تھ تازہ سروہ کانچہ پتر کنی بہت چھہ فوج
 گاشک مدعا تہ معنہ پر ژھولکھ تہ لاجواب
 ووڈی گڈوز بانی پٹھ چھہ تمن راتھ کیت تہ کوچ
 زوڈتھ چھہ اکھ رچھاں تہ کراں بیا کھ غرق آب
 ہتھ ناو منز تہ موج تہ سو درس اندر تہ موج
 بروٹھے چھہ سیر سیر گومت میون اعتقاد
 یوکن پکان کیا ز چھہ ہسی والی سند یہ فوج

زہ غزل

حیات عامر حسینی

دزونہ ژھالیے اسہ وئی کوتر جورک برمان
 دوونہ سوارا صحراون ہندرک جادک کھنان
 ونس چھ نہ کانہہ انسان ہند عالم گر
 تم درویشن کھاس پھڑکی متری اکی دنان
 رودس ما پتہ، دادک وناں گوو سحرس تام
 گاش پھولاں گوو چشمن سورے گاش کھوان
 اسمانس چھ نہ باؤن آسان نیب متیو
 یوت سہل چھا زونہ ما زانہہ نال رنان
 توتہ مہ وئم آخر شہرس کیا سپدو
 متری مستان میٹھ کتھا وئی چالے چوان
 قبرن ہندرک تم پیرک وچھم رسوانہ گمتری
 قبرن ہندرک تم پوش ہرتھ پیہ نال ژٹاں
 مجبوری اکھ چشمن اُسم خواب وچھن
 خوابن ہنز پرتھ ژھالے مہ اُسم وچھ کوران
 واو ٹلن تیتھ بستی ساری پیش پھرن
 خواب وچھن تیتھ یوسف گوو افسوس کران

وجودس تچھ محبت گاش اندرم
 سجودس لے سرا پا آش اندرم
 نگاہن نازنیں سورمہ ہانکل
 نصیپس اُنہ خانس واش اندرم
 مدرستی اندرک گالاں چھپ پوٹن
 رنگس باواں وجودک خاش اندریم
 مہ ما وؤنمس مگر بوزن تہ ما زانہہ
 چھپ تہہ قدمن گھیل پرخاش اندریم
 وچھم کر خوابہ رویس ما یہ تھر تھر
 گماں چھم جویہ رقصاں راش اندریم
 گپو بہتر ز راتھا سون ترہ بکھ
 اتی وچھہکھ نواں کیا خاش اندریم
 گواں بلبل وناں بدلے دلیلا
 ژٹاں لوچن گلن ہنز آش اندریم

داه غزل شفق سوپوری

شفق رنگ چھوٹا، ڈھیر ڈھیر تہ ہیکو کینہہ نہ کینہہ چھتھ۔ کینہہ سادہ تہ شاعری منزم استعمال سپدن والی قافیہ چھہ عام کتھ باتھہ ہندی۔ ردیف چھہ وقتہ کہ فیشہ مقابلہ کے ورتاؤ نہ آتی۔ ہم صفت چھہ پنہ جانیہ حسن تہ نہ فتح؛ عام رائیث مشرأ کتھ اکھ پٹی بیون تراے رٹی چھہ تخلیق کار سند وصف، توے کرگوڈہ اچی کتھ۔

شفق بیلیہ دوہ ڈی ہندین عام تجربن رمز بناوان چھہ، ورگہ کتھ باونک طریقہ چھہ شعریں زودوان۔ ورگہ کتھ وکتھ نو پر پیدہ کرنے کہ امارہ ہیکہ کا نہہ شاعر و کتھ لفظ وڈ تر، آچھر کی استعارہ تہ دو پر تلیم ورتاؤ کتھ کا نہہ باس دنج کوشش تہ کتھ؛ تمہ چہ مثالہ تہ چھہ سانبہ شاعری منزم موجود۔ شفق چھہ پننس ماحولس وڈی دتھ مال ڈھانڈان تہ لبان، بیہ مدرس شردی لاگتھ مگر نہ وڈے آسان چھہ۔ کلس پٹھ پھرنک نال تہ تیونگلن پٹھ سور چھہ نہ صرف سانبہ از کی چہ زندگی ہندو بد اکھ، یہ چھہ پتہ و کتھ انسانی زندگی ہند تقدیر تہ۔ شفق لولہ مشرر باو یا وقتہ کین ستم ہندی نالہ دیہ، مزاج رومانی تراے چھہ پٹی؛ مگر سہ نہ چھہ وڈی یوان تہ نہ ترہ دنان۔ تہند‘ نیر نہ چھہ تمس دروازس دم گتھ ہان تہ ہانکل راتس ودان۔ شفق بیلیہ ماحول کو برحق و بد اکھ دووان ونہ‘ اسی ماپاگل‘ اسہ کتھ ستھ‘، سیتی چھس یہ مبارک جذبہ تہ کاڈ کڈان‘ سوئتن باو کر ماتھار ہو چھہ مڑ مور تہ آہ پھوٹھ۔

اسہ سار نے چھہ کینون کتھن گن پیہ ہن خیال تھاون۔ معمولی پٹھ بہترین شاعر نام سار نے شاعران چھہ غزلن منزم برقی ہندی شعر آسان، اتھ کتھ کنہ کرو کی؟ یثھے چھہ واریاہ کتھ یمن گن صرف شفق ہیو کامیاب شاعر نہ، اسی ساری گتھ ہو تو جدی۔

-- مظفر عازم

غزلک مسلہ چھہ یہ زیہ گہہ بے عیب آسن، نقصہ ور اے آسن، مکمل، کامل، درست تہ پختہ آسن۔ ناولس
منز، افسانہ، منز، یا بیانیہ نظمہ منز تہ، چھہ ڈیکر چلان۔ مگردون مصرعن ہنز خود مختار اکائی چھہ خاص طور الگ
توقع قائم کران۔ ژھوٹن وزن منز وندہ آمتی یم غزل پرتھہ (خاص کر اوس تہ آس ردیف والی) پیہ مہ
ناصر کاظمی سندری پہلی بارش کتابہ ہندی تم متخیر کرن والی غزل یاد یمن ہنز سادگی منز جذبک تہ خیالک سرنہر،
تسلسل تہ مسکور کن روداد چھہ۔ شفق سندن یمن غزلن منز چھہ نہ سوکتھ مگر کانہہ نہ شہر چھہ ضرورت تہ ہیو
دھوکہ دو ان۔ مثلاً

سورے عالم زنتہ ودان اوس	تمہ دوہہ کوتاہ رود چواں اوس
یمہ دوہہ نارہیوتن گامس	تمہ دوہہ کا ژا سردی آس
اکھ لڑکانہ وورے لیس	نالو سکوک ووردی آس

شفق نین یمن غزلن منز چھہ اکھ تیتھ فضا قائم سپدان۔ تہہ منز نو صرژہ پنن جلوہ ہاؤن شروع کران چھہ۔
اتہ چھہ اتی مکانن دہہ ووتھان تہ اتی لوکھ نکھن پٹھہ سورساران، اتی چھہ یہ سور تیونگلن پٹھہ زن ڈاپھ
تراوان، اتی چھہ زون آبس نبض وچھان، اتی چھہ خیالن تمہر ووتھان تہ اتی زون کنی زنی بندرکتان تہ اتی
انہ گٹہ کاؤنی گاش اژنس کھوژان، اتی رات راتس ہانکل ودان، اتی ہوچھمہ مور پھوٹھہ یوان، تہ اتی اندر
پکھی اچانک گل پھولان۔ صرژن ہندیہ چرکیش چھہ اکھ استعاراتی دنیا قائم کرنک سنز کران۔ یہ چھہ
اکھ نیک شروعات۔

-- منیب الرحمن

اسہ ہے شامن نیرن اوس
 راتس بازار میں اوس
 کالے لوگ کرفیو، صبحن
 واراہ کاکو اسہ سمکھن اوس
 منزہ باساں زن ودن لہر
 منزہ باساں زن ونہ وُن اوس
 پھرنک نال کلس پیٹھ بیتھ
 رودہ جرن منز پھیرن اوس
 کوتاہ مشکل گولبن منز
 پان خدایس پٹرن اوس

نار ژھپومت مگر گلن پیٹھ سور
 بلبلیں کر نظر پکھن پیٹھ سور
 سوختہ گرمی کراں چھہ رفتارچ
 اُس چھہ وتہ منز نہ منزں پیٹھ سور
 کرول زخن چھہ بیٹھمٹ یعنی
 ڈاپھ تراوتھ چھہ تینگلن پیٹھ سور
 اسہ چھہ موجود سوے شہن منز داه
 اُس چھہ للوان وُنہ دن پیٹھ سور
 وُنہ چھہ کُنہ کُنہ ووتھان مکانن دہہ
 وُنہ چھہ ساراں لکھ نکھن پیٹھ سور

وٹھ ووشلان تہ کوتر رتھ
کاٹراہ سادہ تہ کرٹھ ہش کتھ
سونہ پوشاکاہ تارکھ نب
رونہ دامانس پونپرک گتھ
ژبہ تہ ما حال پرژھتھ زانہہ کاکر
مبہ تہ مانج زانہہ توت اتھ وٹھ
تس جوگوہ تی وونمت اوس
تکر دژ پانے تختس لٹھ
پوز ہے بوزکھ سہ تہ وبراو
مبہ تہ گئے تس گن وچھتھ متھ
اسہ گرٹھ نارس وئی گلزار
اُسر ما پاگل اسہ کرٹھ ستھ

زن گؤو بالن شپن گٹھ
گاک گامے آو ژلٹھ
ژبہ تہ ما اُسے فرصت زانہہ
مبہ تہ مسلو تھو و نال وٹھ
دوہ لوسیاو تہ پرائی سو یاد
دراہ گنس ہش ژھالے وٹھ
باطن وئے سوے وھوئی ژھٹھ
ظاہر تیونگلکس سور ملٹھ
سوئن باو کراماتھا
ہوچھمہ مور تہ آیہ پھولٹھ
چھٹہ پوٹن پنہ پونپرک گتھ
دراہ سوندر از جامہ چھلٹھ

پوز گوو دونوڑی مرضی اُس
 کیاہ تامتھ مجبوری اُس
 بسکیناہ کانہہ وچھ نہ مگر
 راتھ بیتی اکھ بستی اُس
 تیمہ دودہ نار ہیوتن گامس
 تمہ دودہ کاژاہ سردی اُس
 درائے سُلے رخصت منگنے
 پیو تمن کیاہ جلدی اُس
 اسہ کیٹھ انزرن گنزرن اوس
 اسہ تہ گوشان جاسوسی اُس
 اسہ گوو فاقو بزر لوکپار
 سانس بابس سختی اُس
 اکھ لڑکاه نہ وورے لیس
 نالو سکولچ وردی اُس
 کتہ سہ فقیرن ہند دعائے خیر
 کم اوس مگر سیری اُس

گن زون آسکھ پچھتاواں
 کانہہ ما آسی یاد پہواں
 یاد چھیا ییلہ خاب وچھاتھ
 اسمانس پٹھ بنیل گوشاں
 اسمانس دروازہ وچی
 زون گنی زنی یندر کتاں
 کرنس او برس منز وزل
 ہی تھر دِختے سور گوشاں
 زون وِستھ دریاوس منز
 زن اُس آبس نبض وچھاں
 گکرایو کور سور کوہن
 تارکھ اُس آنتالہ گنداں
 ہوس برونہہ کنہ کیاہ چھ منش
 واوس نش چھا زور چلاں
 تمی سنز اکھ اسرارک جھلک
 کوہستان ولسراواں

اُخر وُتسِ ییلہ ہواں دواں
 زون اُس آہس کھونہ لنداواں
 تہ تہ کچنس منز گم سم اُسکھ
 مہ تہ پڑھو کُٹھ زن کھینہ اوس یواں
 تہ تہ نندر ہڑے ییلہ تریش اُنھ
 مہ تہ آسہ خیالن تمبر ووتھاں
 تہ تہ دراکیہ، دم گلو دروازس
 پتہ ہانکل راتس اُس وداں
 پتہ چانے صحتچ نیت کُرتھ
 بہ تہ اوس تعویذہ آب چوان
 ییلہ پھیر چھ لگاں چائین یادن
 زن پوش چھ سحرس نندر ووتھاں
 یاد پییم سو انہ گڑ کانی
 گاش تہ توت گڑھنس اوس کھوڑاں
 دور تمو واناکھ بٹھو پٹھ
 کتہ تامتھ اُس آواز یواں

جامہ ژڑ ژڑ چھ گلبدن پھیران
 واو مجنون از ون پھیران
 بلبلو باکھ ژھٹ فرقس منز
 پوش دم پھڑ چھ درچن پھیران
 زون ماتم کراں تہ خاموشی
 مرگہ وانچ چھ سنگرن پھیران
 وُنی چھ بچپن تمس نگارس منز
 وُنی چھ پتہ پتہ کوترن پھیران
 باحیا تارکن تہ اُس نہ ویدر
 از چھ بے حال مارکن پھیران
 زن چھ اندر پکو پھولان اچانک گل
 چانو خوشبوے بگدن پھیران

ارمانن چھم مالہ کُرتھ
 کاکو گھوے ما بال مَرتھ
 چائین یادن ہند شہمار
 سینس پٹھ چھم اُر کُرتھ
 ہتھ پھرنس ہتہ بدر پیوند
 ہتھ دامانس موختہ جُرتھ
 کیاہ گھوہ چانہ خدائی کم
 اُسر تے گھوہو تارہ تُرتھ
 اُخر مہ تہ گھو غیب گولاب
 اُخر مہ تہ گھو و زور پھرتھ

سورے عالم زنتہ ودان اوس
 تمہ دوه کوتاہ رود پھوان اوس
 چائین میانین لولہ کتھن پٹھ
 ژھایہ ہلس گن پوش اسان اوس
 ییلہ ییلہ زول کران اُسر ملنگ
 پادر سہہ استان وسان اوس
 زار گندان اُسر اُسر ووزس پٹھ
 ریتہ وادن لبہ کول پڑان اوس
 کترو نڈ ییلہ اُسر گرن منز
 پر تھ صحنس منز ناگ وُزان اوس
 اسہ وچھ چشمو نار دواں یُس
 سہ تہ حالاتن سام ہوان اوس
 گامس منز اوس آسان انہ گوٹ
 بالہ تھونگس پٹھ تا پھ گہان اوس

آٹھ غزل رخسانہ جبین

نندر تہ آہ نہ تس اڈہ وڑھی تہ دُارتھون
تہ از تہ پرارہ وئی ژانگو لے بجارتھون
تس اوس پے زِ کلس تسر پتو یہ رہ کھالن
وون نہ کانسہ تہ ووتھ یہ گاسہ اُرتھون
ہوا چھ سَخ تہ کلن گوتھ نہ از یہ پراٹن مول
پرس تہ از کہ دوسے اڑ ژنچ نہ تارتھون
تمس چھ شوق پنن سونہ سندس ٹھپس اندر
لکن چھہ راءے زِ دم پھڑ کرتھ یہ ہارتھون
ہشریتے چھ سبٹھا تم سندس مرازس ستر
دیتن نہ نمہ بنین تھز پنی تہ کارتھون
سہ پانہ تریشہ ہوتے دراو کیا زِ وٹھ پھیشان
یہ زانہ دے زِ کمس کڑ یہ تریشہ نارتھون

اکھ پرائی چٹھیا چائی لبم راتھ پرکھ ما
پیہ زونہ تہ اختابہ ووں دامانہ جرکھ ما
پھٹمتی چھ کدل ناو تہ یرونی تہ ہوا سَخ
گٹھ پچھ چھ طیس پٹھ تہ دولو تارہ ترکھ ما
اکھ ژانگو لیا وچھ مہہ دزاں دور زوس پٹھ
کمر تام یپاری مہہ پرژہم ناو گرکھ ما
ممکن چھ تمو وکھ سوال از تہ پرژھی کانہہ
پیہ از ژہ ووں سے پرون سبق یاد کرکھ ما
ووتھ نیر نہر کن تہ پنن زور ژہ ازماو
اتھ واوہ لنس وچھ گئے استادہ درکھ ما
مشراو ہرد سونٹھ بدس چھ تہ پھلے چھاو
اندری یے زرز ژوے تہ سونتے ژہ ہرکھ ما

یہ ون مہ سورے پنن تہ راون وانجڑ بے
 بہ ووتھ سو درس تہ ناو تراون وانجڑ بے
 کلس کلس پٹھ دپان چھ دم پھڑ موسم وچھ
 امیک ژوپاسے یہ اُنہ ہاون وانجڑ بے
 ووداسر شب مایواں چھ زانہہ ہتھ خواب شہل
 اس دیکس پٹھ بہت سجاون وانجڑ بے
 لم تھتے تمہ وجارہ شہرچ اکھ تصویر
 وچھن مہ کن زن انچ بناون وانجڑ بے
 وچھاں وچھاں گے کرامتھا اکھ دار پٹھے
 پھلے مہ پانس لجم تہ چھاون واجنی بے

ژہ آیہ آیہ عبارت پرکھ کتاب بنے
 نتے بہ رازہ لیلچ ژھوپ ہتھ عذاب بنے
 گڑھم تہ عین دیہارن وچھکھ ژہ تارکھ نب
 گہے شبانہ بہ چانے موکھ آفتاب بنے
 وٹکھ ژہ چشمہ ہلم تارکو تہ زونہ برے
 وڑھن اچھن تہ دہلر گاشہ سے بہ خواب بنے
 وجارہ ون تہ ژھنڈک یڈ ژہ پھلیہ کال ہتھ
 نہ واتر وونر سہ ہوا یوت نہ بہ گولاب بنے
 وچھو دبارہ اگر آو زانہہ ووں یٹھ موسم
 ژہ بنی ز شینہ کہستاں بہ آفتاب بنے

یا گو و نصف شبس وچھن آفتاب ہیو
نتہ کیا چھ دؤہو دؤہس وچھن زنتہ خواب ہیو
پانس اندر تھتھے ژہ سہ سراسور وں وچھکھ
پاتاکر بستین تہ ووتھی اضطراب ہیو
ہتر اوس تریشہ ددسہ متیومت مہ پورہ پاٹھر
پیتر اوس دور پٹھ سہ مہ باساں تہ آب ہیو
زررس پنس چھہ واو وچھتھ ہر ہش پھشان
ہرنک سوال چھس تہ پیہ لاجواب ہیو
وونڈی ما سا ہاو تھ تہ بدل بے ریا چھنا
یڑکاکر چھہ یہ اُنہ وچھن کرک ز تاب ہیو

مہ راتھ زنتہ ونایاو شعر ہیو کیاہ تام
دلس تہ کاکر لوتیاوا بار ہیو کیاہ تام
بہ شوکر پاٹھر سوالا پرژھن تہ ہر تہ دژن
مہ تہور نہ فکر گوٹن کیا ز نار ہیو کیاہ تام
مہ زون وونڈی ز یہ اُسے تلکری تھر سنز
وونڈن سہ گلر زہ گندتھ آم عار ہیو کیاہ تام
نہ اوس آنتہ گلے کانہہ تنبتھ نہ میکر بانبر
پھلے دژن تہ موس آو چار ہیو کیاہ تام
سہ ووتھ تہ دراو وتل ہش وژھس پتو لاکن
ہوٹے ژوٹن تہ دؤپن کور مہ کار ہیو کیاہ تام
توگے نہ کانسہ تہ سومبرن کورکھ سبٹھاہے ہے
تھالے زیر پتھر پیو سہ جار ہیو کیاہ تام
تھچس بہ شولہ وین جنگل وین پھیرتھ
ہیونتن ووں بونہ تلے ین قرار ہیو کیاہ تام
چھہ مکر لوکھ پکاں بازرس کفن وکر وکر
شہر یہ سون بنیومت مزار ہیو کیاہ تام

زمانہ آو آتھس منز تہ و تھ پکاں پانے
 زمین آسہ کھورن تل بناں مکاں پانے
 بہ چھس دپان ز پینس گزس چھ مول والاں
 تلنگری چھ پنڑ مکتی لکھ تھیکاں پانے
 اچھن اندر چھ گوڈی کینوس سیہ وهران
 تہ ادہ چھ رنگ سبٹھا شولہ وڈی چھکاں پانے
 گوشاں چھ دور ژلتھ زانہہ اگر سہ ووسہ دروسہ نش
 گئے بہت تہ چھ انساں پتو تھکاں پانے
 دپاں گو مت چھ ووسہ سرک پٹھک تمس جنوس منز
 رٹاں چھ اُنہ اتھن منز تہ پتہ بکاں پانے

نذر قاضی غلام محمد مرحوم
 وونی کتھن تروو اسہ تہ وارہ سنن
 گو و مشتھ گامہ کین تہ آرہ گزرن
 زانہ دے کیا ز ژاگو ریہہ ز اُنٹھ
 لائے لیو کھنم مہ وارہ وارہ دزن
 پیہ مہ از یاد پیو و سہ واکھ وژن
 پیہ کنن گو و مہ از سہ تارہ وزن
 موت شاید عطا کر بس شہجار
 زندگی بایہ بوسہ نارہ دزن
 زیو کلایم مہ قافیہ تنگ گوم
 شعرہ وژنس دؤیم مہ شعرہ وزن

زہ غزل غلام حسن انظر

مُرسِ منز چھ آدمِ ژمیومت ژبہ وچھتھا
گرسِ پتسے منزِ کلیومت ژبہ وچھتھا
پھرسِ ہنز اکھے کیا کرنی راتھ کیت از
دپاں بونہ گوڈ از جھکیومت ژبہ وچھتھا
چھ شہرسِ اندر لیس ووں تسِ حال یکساں
پھیکین پٹھ پن سرگو بیومت ژبہ وچھتھا
تمس کر مشو اسر ہہ کیا آو شاید
اچھن ہا چھ گاشے سو تیومت ژبہ وچھتھا
یہ کیا سا زِ صبحک نہ پے نشانے
شہسِ راد شاید ژھو کیومت ژبہ وچھتھا
وچھتھا حالِ نیمرم پھٹم ترِ انظر
چھ لولس تہ جوشے ہمیومت ژبہ وچھتھا

آکھ زن سویتک ہوا دل پھولنہ لوگ
دراکھ تے ربتہ کول واپسِ ژلنہ لوگ
نیرہ کور موویوسِ حالاتو سبٹھا
گر تہ وژھ کتھ لانی نیایچ گلنہ لوگ
گوڈو تمن وچھ ماتمس پٹھ لکھ اسان
ہوے ٹلن تے سور روپسِ ملنہ لوگ
میڈِ مُرسِ منز قید سپدو یس اکھا
تتھو اندر لوتی پاٹھو پانے رلنہ لوگ
پوت ولسِ منز ژانگو زالتھ راتھ کڈ
کارِ مورٹھ نہہ گوٹ اُخر ژلنہ لوگ
انظرِ تلہ سا یہ کس چٹھن ہوومت
گس سنا شہلین گلین پیہ تھلنہ لوگ

خصوصی مطالعہ

ادیب/کتاب/فن پارہ

کتاب: نادر سخن گو، رسول میر

تبصرہ: شاد رمضان

بوزن نگہ بوزکن

روایت ہندسوں مطالعہ سے اوس سے تمیک کو رکھ استفادہ سے۔ تو سے
چھ امی مطالعہ کس سے استفادہ کس پڑت منظرس تحت پر ہتھ کانہہ
یوڈ شاعر پن شعر پر نہ باپتھ پنہ تخلیقی سے لسانی بتریک پر ن وول
قاری توقع کران۔ نتہ کتھ ونہے رحمن ڈار۔ بوزن نگہ بوزکن۔
تہ شمس فقیر

سہل چھامعہ بوزن سے بوزن گائالی

وازہ محمودس ماثلہ ہے خالی منزری تھ

رازہ ہونزس فیض ازل کیاہ چھ تے

وازہ محمود کیا چھ غزل خوان سون

تہ رسول میرس ہیوزبان دان سے تخلیقی ہونز بدس تھاون وول حبسہ

بہد ارشاعر ماونہے پانے پانس

نادر سخن گو..... سبحان اللہ

تہ امیر اظہارک فکری، تخلیقی سے جمالیاتی احساس ژینتھ ژرژتھ ما
ژلہ ہیس ہنگہ منگہ زیو سبحان اللہ نہ تھ۔ وونی یم لوکھ اتھ اظہارس
شاعرانہ نقلی مانان یا گنزران چھ، تمن چھ نہ رسول میر نہ تخلیقی آگہی
تہ تخلیقی جو ہرس تام پزنہ پاٹھو وائتیار نصیب سپد مت۔ چنانچہ یس
کم کاسہ تنقیدی بحث رسول میر نہ شاعری سے شعرہ زبانی پٹھہ تمن
وہن پنوہن ورکی ن دوران سپد (کلیات رسول میر ک ٹینگ
صائبن مدلل سے عالمانہ تنقیدی دیباچہ او کطرف تراؤتھ) تھ منزیم

کاشتر زبانی ہندس قد آورصوفی شاعر رحمن ڈار سند مذکورہ شعرہ
مصرعہ چھ یمہ پزک دلیل ز پرہتھ کانہہ جینون شاعر چھ پانی
پانے پنہ شاعری ہندگوڈ نیک نقاد آسان سہ چھ زائتھ زتسندس
شعرس چھ بازرس منز بہد ار مغز سے صاحب نظر خریدار چشم کشا
پراران۔ تس چھ یمہ کتھہ ہندتہ پور پور احساس ز شعر گوہہ نہ بی
گوہن، تکیا ز شعرس نہ چھ گنہ مخصوص فکر ہند کانہہ مخصوص پر ن
وول آسان سے نہ چھہ شعرس گنہ اکس مخصوص زمانس سیتو کانہہ
مخصوص لگہاری آسان، بلکہ گوہہ پرہتھ زمانہ کس پرہتھ فکر
ہندس قاریس شعر پران پران یا بوزان بوزان اندر اندری
مرزا غالب سند یہ احساس چھ پھلن:

میں نے یہ جانا کہ گویا یہ بھی میرے دل میں ہے

وونی ٹلہ پانے پانس نقادون وول کانہہ سہ شخص بہ توقع پاٹھو ضرور
یہ سوال ز سائن پرانہن شاعران کتہ اوس تنقیدی زاوہ جارن یا
شعرہ اصولن ہند علم یا زان یس کاشتر صوفی شاعری تام مشرقی
پیما نہ مشرأ و تھ مغربی شعرہ پیما نہ ہنز کوچہ مولوان چھ، حالانکہ تھ
پزرس چھ نہ کانسہ سے ذی حبس شخصوس انکار زسانی پرانی شاعر اس
پن پنہ زمانکو پزنہ پاٹھو پرڈ مٹر لیکھو مٹر انسان، یمن مشرقی شعرہ

بصری شیبہ بلکہ تمام حسی پیکروسیٹو عبارت۔ امیر پتہ چھ نذیر آزاد تمہ غزلک اکھ اکھ شعر و بھناوان نہ تفصیلی طور منطقی دلیل و تھ ثابت کران ز مذکورہ غزل شعر چھ منظر نگاری ہندی بہترین نمونہ تہ حسی تہ بصری شیبہ تہ پیکر کتھ کنی چھ یمن شعرن منز و وتلان، پھبان تہ ولسان۔ تھ کنی چھ پروفیسر غلام رسول ملک پتتس تنقیدی تبصرس منز حافظ تہ سعدی سندری کینہ شعر پیش گرتھ رسول میرس مشورہ دوان تہ ہدایت کران ز ”تس پزن تھنن فارسی شعرن ہندی موضوع ورتا وڈی نیمہ سیتر سہ یعنی رسول میر جسم یار کین نشیب و فراز منز ورتا تہ بجایہ عشقہ کس تھ منزلس ورتا یس جسم چھ ظاہری کششہ ماورا چھ۔“ وڈی بوزن توامہ کس رد عملس منز ڈاکٹر نذیر آزاد سندری تم تنقیدی جملہ تہ۔

”تھنن صاحبن ہندس خدمتس منز چھ عرض ز جناب توہی چھو مالک تہ بڈی استاد۔ مگر اتھ ماونو انصاف ز توہی تھ ورتھ وادوری بروہہ گذریمتس شاعرس بروہہ کنہ ماڈل پیپر تہ تھ وایون امتحان ہالس منز تہ ہدایت کریوس ز امی آہ لیکھ جواب مضمون۔ توہہ آسہ خبر ز کانسہ شاعر سنز مولانکون کرنہ خاطرہ چھہ استدلال ضرورت۔ او باہتھ چھ نہ شاعر سندن موضوعاتن تہ مضمون تنقید سپدان بلکہ چھہ فن پارس منز موجود لسانی تہ ہمالیاتی کارکردگی نظر تل تھ ورتھ یوان۔ جناب توہی چھ حکمران پیغمبر چھونہ ز کانسہ متعلق دیوفتوی ز سہ چھ جسمانی حسنس منز مریضانہ حدس تام مستغرق۔ قدیم کیو جید تنقیدی رویہ تھ تہ شعر پرکھانکو اصول مد نظر تھ ورتھ چھ نذیر آزاد صابن یہ وُن بجا ز شعرس منز ورتا ورتھ آمت موضوع تہ مضمون چھ نہ اہم بلکہ چھ شعرہ اظہار، شعرچ لسانی صورتھ، تمیک ورتا و، اسلوب تہ فن اہم تہ امراء القیس ہوس رند شاد باز شاعر تہ آونہ شعرہ مضمون بلکہ فی صلاحیون ہندس بنیادس پٹھ ”الشعر الشعرا“ ورتھ۔ ڈاکٹر نذیر آزاد چھ اتھ پلات منظرس منز اکس سنجیدہ نقاد سندری پاٹھ پرتھ ہن صفن پٹھ دردس

رسول میرنہ شاعری تہ خو رسول میرس متعلق کینہہ ونا وڈی تنقیدی فیصلہ تہ ہدایت نامہ جاری کرنہ آمتز چھہ، تھنن ہندس رد عملس منز چھ اردو تہ کاشنر زبانی ہند سنجیدہ شاعر تہ نقاد ڈاکٹر نذیر آزاد اجرا سپدن ورتھ پتھ ”رسول میر۔ نادرشن گو“ نا وڈی تنقیدی کتاب باز تراوان، یوسہ کلہم کاشنر تنقیدس منز پنہ نو علیچ گوڈنچ اہم تنقیدی کتاب چھہ۔ اوہ کنی ز دردس دون ہتن صفن پٹھ مشتمل یہ کتاب چھہ گوڈنچ لٹ گوڈہ پٹھ اندس تام اکو سہ شاعر سنز شاعری ہند تنقیدی مطالعہ، سہ تہ اکس مخصوص موضوع کین پاسل غدو خالن ہندس پلات منظرس تحت۔ توجہ طلب کتھ چھہ یہ ز زیر بحث کتابہ منز کرنہ آمت بحث چھہ تھ تقو بلی تنقیدی مطالعہ یس از کد تنقیدک اکھ اہم وصف مانہ یوان چھہ، پیہہ اکھ شعرہ کس موضوعی ہتی، فکری تہ لسانی پلات منظرس منز باقی اندو کھو زبان ہندین ہم موضوع شعرن ہند تقو بلی مطالعہ اہم چھہ تھ دوران پرن ولس باقی زبان ہنز شاعری مقابلہ پنہ زبانی منز لیکھنہ آمرو شاعری ہند تخلیقی جوہرک تہ ورتھ واکٹرک نیب تہ لگان چھہ تہ پنہ آسک اندازہ تہ سپدان چھہ۔ بیا کھ اہم کتھ یہ ز ڈاکٹر نذیر آزاد سندری بحث تنقیدی مطالعہ چھہ مشرقی شعرہ رویاژ تہ تمہہ رویاژ ہندین تنقیدی نظریہن تہ اوصولن ہندس پلات منظرس منز پھانھلان تہ بالہ سپدان، نیمہ سیتر پرن واکر سند باہتھ تم ساری درتھ ورتھ چھہ گمتی یم رسول میرنی شاعری پرکھانہ، مولانانہ، سرنہ سجنہ تہ رسول میرنی شاعرانہ شخصیتھ تعمیر کرنہ باہتھ لازمی تہ اہم چھہ۔ وڈی بوزن تو رسول میرنہ شاعری متعلق تہ خو رسول میرس دنا آمتز تم مشورانہ تہ ہدایتی جملہ ہندس رد عملس منز ڈاکٹر نذیر آزاد پنہ مدلل تنقیدی مطالعک ڈھانچہ تیار کران چھہ۔ ”رسول میرس پز ہے غالب سندری پاٹھ منظر نگاری کرنی تہ بصری شیبہن کام پرتھ۔“ نادرشن گو۔ پروفیسر شفیع شوق

بقول نذیر آزاد رسول میرنی شاعری چھہ نہ صرف منظر نگاری تہ

جدید کیو قدیم تنقیدی نگہن تہ نوکتن ہند علم تہ آسن۔ شعرہ زبانی ہند ادراک، شبدہ راشک و انتیار، شعر فہمی تہ سخن سنجی سیتو سیتو گوتھہ تس پنہ شعرہ رو ایڑ ہند سون مطالعہ تہ آسن۔ امہ اعتبارہ چھہ ڈاکٹر نذیر آزاد سز دروس کتابہ ہند مذکورہ زہ باب تہ اکھ سرسری جایزہ کانہہ بے جاتہ بہ ترتیب تبصرہ بلکہ اکس ہوشمند نقاد مفصل تہ سیر حاصل تنقیدی بحث۔ اتھ پوت منظر منز چھہ نذیر آزاد رسول میرنہ شاعری تہ تسن شاعرانہ شخصیت کولو نڈ وٹان۔

”رسول میر سنز شاعری چھہ سو ادبی روایت ڈکھس یوسہ ہند اسلامی کلچرن یا ہند عرب ایرانی کلچرن پھانچھلا و مژ چھہ، تھہ ترقی دس منز سنسکرت زبانی ہند چار یا ہن تہ فارسی اردو زبانی ہند بہلہ پایہ عالمن تہ شاعران ہند عمل دخل چھہ۔ یہ وٹن ز رسول میرس اوس گلستان بوستان تہ کریمانام حق ہشن وقتہ چن مروجہ کتابن ہند سرسری مطالعہ تہ کولو رینن کتابہ منزا استعمال کرنہ امہ لفظ راشک استعمال پایہ وٹن ز رسول میر اوس پننن پیش رون ہندی پاٹھو صوفیانہ روایتیک پروردہ چھہ نہ صرف ہنہ نہ وٹنسن لایق بلکہ چھہ گمراہ گن۔“

اکس نقاد سنند یہ تہد جملہ تہ بوزی تو ”رسول میر چھہ نسوانی حسن منز مر ایضانہ حدس تام مستغرق۔“ امہ کس جوابس منز چھہ نذیر آزاد کھور ٹھکراؤ تھہ بحث کران تہ وٹان ز ”امہ قبیلہ چہ عربی، فارسی تہ اردو شاعری پٹھہ چھہ نہ کائسہ تہ نقادن تھہ تند فتویٰ صادر کولو رمت“ اگر رسول میر، میر تقی میر تھہ نسوانی حسن منز مر ایضانہ حدس تام مستغرق چھہ، تہ کفر تہ اسلام چو بند شوئغہ آزاد، تیلہ چھا حضرت امیر خسرو تہ آٹھو زمرس منز تھونس لایق“؟ اتھ ضمن منز چھہ غالب سند یہ شعر۔

ہر چند کہ ہوشاہدہ حق کی گفتگو رہتی نہیں ہے بادہ و ساغر کہے بغیر تہ مولانا ابوالکلام آزاد سند یہ جملہ ہم ”قدم چھہ بظاہر مجاز کس بت کدس گن پکان مگر پردہ و وٹھانی چھہ ھیتیک کعبہ نمودار سپدان۔“

کتابہ ہند گوڈ نیک باب پیش کران تھہ منز نہ صرف فارسی تہ اردو زبانن ہندن عظیم شاعری ہندی شعر بطور مثال پیش کران، بلکہ چھہ یمن شعرن پٹھہ پنن تنقیدی تبصرہ کران کران پننس دعواہس دلیل دہنہ موکھہ تنقیدی اصولن تہ بیا روتھہ کینون انہم نقادن ہندی کینہہ تنقیدی حوالہ پیش کران یم اتھ پوت منظر منزا ہم تہ لازمی چھہ۔ ووی یم لوکھ یا نقاد موضوعی اعتبارہ شاعری منز صوفیانہ تہ اخلاقی قدرن ہندی روادار آسنہ کولو رسول میرنہ شاعری منز امی قبیلہ کمن موضوعن تہ مضمونن ہندی طلکارتھندس جوابس منز چھہ نذیر آزاد سنند یہ وٹن حق تہ بجاز ”سائنس مشرقی ادبی روایتس منز چھہ رومانن تجربہ ہریمانہ عاشقانہ، رندانہ حتی کہ فاجرانہ تہ فاسقانہ موضوعات تہ امرد پرستی ہوو مضمونن جایہ جایہ درٹھو گوتھہاں۔ حقیقت تہ مجاز چھہ اکھ اکس منز مدغم تہ بظاہر جسم یار کمن نشیب و فرازن ہندس پردس منز چھہ عظیم روحانی تجربن ہنز باوتھہ کرنہ آٹھ۔ مثلاً حضرت مولانا رومی سنز مثنوی ہندی درجن واد شعر ہر گاہ سائنن نقادن ہنز معلمانہ عینک لاگتھ تھہ چیز وچھہ وٹن تیلہ چھہ اسہ نعوذ باللہ محمد حسن عسکری صائبس پٹھہ مولانا رائے رومی یس تام فحش گو قرار وٹن، مگر یہ آسہ نہ سائنس ادبی روایتس بلکہ کلہم تہندی روایتس برعکس۔“

ڈاکٹر نذیر آزاد چھہ پنہ دروس رسول میر..... نادر سخن“ ناوڈ کتابہ ہندس دویمس تہ ترتیمس بابس منز اکس بالغ ذہن نقاد سنند پاٹھو مشرقی شعرہ رو ایڑ ہند گوڈہ تعارف کرنا وٹان، امہ رو ایڑ ہندن ہم تہ عظیم شاعران سیتو ملاقات کرنا وٹان، امہ رو ایڑ ہندس پوت منظر منز بہن شاعری ہنز فکری، جمالیاتی، ثقافتی تہ لسانی خدو خالن ہنز وٹہ ہنن کران، اتھ شاعری پٹھہ سپدی مہ تنقیدی نمونن ہند حوالہ دوان تہ اتھ کلہم تنوظرس منز رسول میرن شاعری پرکھا وٹان، مولانا وٹان تہ تقویٰ کہو چہ کھالان۔ امہ قسمک تنقیدی مطالعہ کرنہ باپتھ چھہ نہ فقط تنقیدی شعور آسن لازمی بلکہ گوتھہ تس

”رسول میر..... نادرشن گو“، کتابہ ہند ژورم تہ آخری باب چھہ 78 صفحن پٹھ پھہلتھ اکھ توجہ طلب عالمی تنقیدی بحث، تھہ منز رسول میرن شعرہ متن Text تہ شعر زبان زیر بحث چھہ۔ توجہ طلب اوہ کز محمد یوسف ٹینگ تہ پروفیسر جی، ایم شادیم پن پٹن مرتب کورمت کلیات میر باز تراوان چھہ، تمن منز گنہ گنہ یس شعرہ متنس پھیرہ پیومت چھہ، تمیک اصل متن ژھانڈان ژھانڈان یوسہ لسانی کیو معنوی تگ وودنیز آ زادکران چھہ، سو چھہ لتن ہندماز وتن لارن لاران منزل مقصود پراونک تون نیب۔ اکھ وژن بند چھہ مثالیہ باپتھ پیش۔

وچھتون لیو کھ کوراستاد ابرودونوی چشمان دوصاد
لوح جبین پٹنی قلم کن تھا وروخ ہاواے صنم ٹینگ

وچھتون سہ کوراستاد ابرودوگون چشمان دوصاد
لوح جبین پٹنی قلم کن تھا وروخ ہاواے صنم شاد

نذیر آزاد صائبن یہ وٹن چھہ صحیح زیہ نہ چھہ اردو ک دوٹوں تہ نہ چھہ دوگون بلکہ چھہ دُونون یعنی زہ نون۔ ابرودونون چشمان دوصاد“ ”اگر گول اسر گنا لفظک کا شر روپ مانو تیلہ چھہ امیک معنیہ چند، حرف تہ بار تہ کتہ تہ لغتس منز چھہ نہ گون لفظک معنی کمان۔ شعرس شعرس منزیم لفظ استعمال کرنہ آمتی چھہ تم ساری چھہ لیکھہ پد سیتو تعلق تھوان۔ استاد، دوصاد، لوح و قلم۔ دراصل چھہ رسول میرن چشمن دون صواد تہ ابرو ہن نون سیتو تشبیہہ دژمژ۔ تھہ کز چھہ چشمہ صواد، ابرو نون، جبین لوح تہ پٹنی قلم بنان تہ جسمہ کبن مختلف اعضا ہن سیتو چھہ ووج کس مصرس منز استعمال کرنہ آمتی لفظ کن تہ روخ مناسبتس مزید تقویت بخشان“۔ عالمانہ تنقیدی بحث اوہ کز موجود دورس منز چھہ شاعری ہند لسانی شعرہ تنقیدک اہم گون گزرنہ یوان بلکہ چھہ شعرہ زبانے شعرہ تجربس تام وائیک

بنیادی وسیلہ ماننہ یوان تہ شعر پران ولس قارڈ لیس تہ گڑھہ شعرہ زبانی ہند توتے ادراک تہ وائتیار آسن یوتاہ خو و شاعرس آسان۔ امہ اعتبارہ چھہ دروس کتابہ منز نذیر آزاد سندسہ لسانی مطالعہ صبر آزما ناقدانہ تہ عالمانہ بحث یس رسول میرنہ شاعری تہ شعر چہ لسانی **صور** متعلق کرنہ آمت چھہ۔ نذیر آزاد چھہ شعرس منز ورتاوند آمتن لفظن ہندس لغوی، تخلیقی، تواریخی، ثقافتی تہ احساسی معنیں سنان تہ یہندن امکائی گوشن تام وائیک جستجو کران تہ کن تخلیلی تہ تخلیقی تہن تہ پاسل انہارن تلاشان یم بظاہر خود شاعرن لفظ ورتاوان ورتاوان سرکڑ سوکڑ آسہن تہ سیتی پران ولس شعرس منز گتھ مختلف معنیں تہ تجربن کن ظن مرکوز کران۔ سیمہ سیتو تھہ ہوڈ فوئی ز رسول میرن چھہ فارسی ووستاد شاعرن ہند غلامانہ تقلید کورمت ”یا“ میراوس موقدم آسنہ باوجود گون پارٹی ہنسر براہی کران تہ اوس گامہ پتہ گامہ پٹنر با تھ گوان، یاتس اوس گلستان بوستان ہش کتابہ ہند سرسری مطالعہ تہ تمن منز ورتاوند آمتی لفظ اوس پنہ شاعری منز ورتاوان چھہ تہ بہ وزن باسان چھہ۔ نذیر آزاد چھہ ونان۔

رسول میرن ز بد قسمتی چھہ یہ ز اہندک تنقید نگار چھہ اہنر عنایت سیتو تیتو مرعوب گڑھان تہ اہنر تشبیہن ہند فوری ہن سیتو تیتو وویہ یوان ز تم چھہ جواہراتن سیتو تشبیہہ وچھتھ یہ عاجلانہ نتیجہ کڈان ز سہ چھہ چھرا نغمائی شاعر تہ سند موضوع چھہ صرف سراپا نگاری۔ تمو کڈا یہ نتیجہ تہ ز تسنر شاعری چھہ صرف تنبکھ نارین پٹھ گونہ خاطرہ تہ تھہ منز چھہ فقط جسمانی لذت پرستی۔ رسول میرن اکھ سادہ شعر چھہ۔

درود حسنت چشمہ وچھتھ کاسہ گدایی

خورشید تے جمشید ہتھ چھی جام نگارو

اتھ شعرس چھہ تھہ کونقص کڈنہ آمت۔

”فرق صاف ظاہر ہے رسول میر خورشید اور قدیم پارس کے شہنشاہ

لفظن ہندورتاون ول بدس اوسمت۔ دویم یہ زتس چھ لفظن استعاراتی تہ علامتی قوتھ عطا کرتھ لفظن ہندورتاون ول بدس اوسمت۔ ترتیم یہ زتس چھ مشرقی شعر ریو ایڈ ہندسون مطالعہ اوسمت تہ تمہ کہ لفظ راشہ نغمہ چھن استفادہ تہ کورمت۔ ژورم یہ زتس چھ شعرہ ہونر ہندکمال حاصل اوسمت تہ پونزم یہ اہم کتھ تھ گن نذیر آزادان گوڈنچ لہ سنجیدہ پرلن والبن ہندن پھیرمت چھ یعنی رسول میراوس نہ مضمونس تیوت لوریوت سہ معنیس فریفتہ اوس تہ کور اوس یہ محسوس کورمت ز زبانی ہندی امکانات تلاش کرتھ ہیکن تم لسانی پیکر بارس تھ یم معنی آفرینی منز اہم چھ۔

دردس کتاب ہنداکھ وصف تہ حسن چھ یہ تہ زکلم کتاب چھہ ژکہ اکھ مفصل تنقیدی مقالہ یس گوڈہ پٹھ اندس تام ہانگلہ کرین ہندی پاٹھو گنڈتھ چھ تہ مقالہ نگار چھ نہ کنہ جایہ بے جا پاٹھو ژلان یا جملن ہنز بہ ترتیبی منز راوان۔ امیک بیا کہ اہم گون چھ یہ تہ ز دون ہنن ہندس ساری سے تنقیدی مقالس منز چھ نہ اکھ تہ تحقیقی نوعیتک جملہ میلان۔ بیلیہ زن کاشر تنقیدک اکھ بڈ چھ تحقیق تہ تنقیدک باہمی تذکرہ چھ۔ ساروے کھوتہ اہم کتھ یہ ز کتابہ ہند ناویر نظر ڈتھ چھ ڈاکٹر نذیر آزاد پنڈی ساری تنقیدی حصس بیدار تھوتھ یہ پر ثابت کرنچ کامیاب کوشش کران ز رسول میر چھ پزین معنین منز ماڈرن گوتہ یو ہے چھ کاشر شاعری ہند اہم ترین پڑا۔ نذیر آزاد سند دردس تنقیدی مطالعہ چھ نہ حتمی یا نو حروف آخر۔ اتھ سیتھ ہیکن اختلاف اُسٹھ تہ اختلافی چھ صحت مند تنقیدک ضمانت۔ مگر اکھ پز چھ ٹاکارہ ز ہر گاہ امی تنقیدی اندازہ تہ انمانہ کاشر زبانی ہندی باقی اہم شاعر تہ الگ الگ پاٹھو مولانوانہ تہ پرکھاونہ یں، سہ دوہ چھ نہ دور بیلیہ کاشر شاعر کشیر نمبر مین ادبی تہ تنقیدی حلقن منز تخلیقی قبولیت پراوتم گمانہ گوہن ضرور دوریم کینہ ونشر نگار ووتاوی منز وونی مژ تہ پھانچلا وڈ مژ چھ۔

جشید کو یکجا کرتے ہیں جو قافیہ کی ضرورت کو پورا کرنے کے بغیر آپس میں کوئی لفظ اشتراک نہیں رکھتے۔“

نذیر آزاد چھ مذکورہ شعرک حسن تھ کڈ ژژان۔ میر سند شعرک مضمون چھ یہ ز معشوق سنا چھ چھہ پیالوتہ بانو کھوتہ زیادہ تھ۔ یکن بروہہ کنہ خورشید تہ جشید جام تھ خیرات منگان چھ تہ شعر چھ مبالغہ کس ترتیمس در جس یعنی غلوس پٹھ واتان۔ مثلاً بادشاہ جشید سندس پیالس منز اوس ونہ مطابق سورے دنیا بوزنہ یوان، سہ چھ معشوق سنا چھن بروہہ کنہ کاسہ گدابی کران یعنی معشوق سنا چھ چھہ دنیا علاوہ ماورا تہ وچھان۔ خورشید چھ ”چشمہ خورشید“ تہ ونان تکیا ز اتھ چھہ ناگس ستر تشبیہ ونہ یوان۔ تھ کنہ ناگ چھہ آبہ ستر تھ، تھ کنہ چھ خورشید ژ ژو ستر تھ۔ معشوق سنا چھ تہ چھہ بانہ چالہ یکن منز اوش، شراب یا نور چھ۔ خورشید تہ چھہ بانہ چالہ تھ منز زہ یا نور تھ چھ۔ جشید سند جام تہ چھہ بانہ چالہ تھ منز دنیا تھ چھ۔ کاسہ چھہ یمنہ پچھن بانہ یس ژھور چھ تہ برنہ یمن چھہ انچ خواہش۔ بانہ چالہ آسنہ کنہ چھہ خورشیدس تہ جشیدس مناسبت۔ شعرس منز چھہ دور حسنت ورتاونہ آمت تہ دورک اکھ معنی چھ حکومت۔ امہ لحاظ چھہ جشیدس تہ خورشیدس بیا کہ مناسبت تکیا ز خورشید چھہ گاشہ لحاظ تہ جشید سند حکمران آسن چھہ ٹاکارہ مگر معشوق سند کس حکومت چھہ جاری۔

نذیر آزاد چھ پننس تنقیدی مطالعس منز رسول میر مین شعرن منز ورتاونہ آمتن لفظن نوین تہ سرتازہ معنوی امکاناتن ہند تلاش کران۔ یم روایتی تہ سرسری معنہ رسول میر مین شعرہ لفظن ونہ آمت چھہ آزاد چھہ بعضے بعضے تمہ نغمہ اعتراف کرتھ پنہ نقوبلی مطالعہ ستر لفظن ہند تھ تخلیقی معنہ بد کڈان ز شعر چھہ فرشہ پٹھ عرش واتان۔ بیہ ستر کینہہ بنیادی پز نا کارہ سپدان چھہ۔ اکھ یہ ز رسول میر چھہ نہ فقط لفظ خزائک کونز بردار اوسمت بلکہ چھس

خصوصی مطالعہ

ادیب/کتاب/فن پارہ

کتاب: کاشر زبانہ منز وزنک صورت حال (رحمن راہی)

تبصرہ: منیب الرحمن

لکھ ہند مال پننس کھاتس؟

صفحہ ۹ پٹھہ صفحہ ۳۵ تام خانلری سنز کتابہ ہند ترجمہ

صفحہ ۳۵ پٹھہ صفحہ ۳۹ تام کاشری، اردو تہ فارسی ژھری شعر دتی

متر

صفحہ ۵۱ پٹھہ صفحہ ۸۳ تام انگریزی کتاب پٹھہ ترجمہ (پڑ، رفتار،

آہنگ تہ تھکھ کتھ چھہ ونان یعنی انگریزی عروضک بیان)

صفحہ ۸۳ پٹھہ صفحہ ۱۰۷ تام کاشرین شعرن ہنز تقطیع

گو و اتھ کتابہ منز چھہ مسامسا ۳۰ صفحہ راہی سندری پنز یمن منز شعرن ہنز تقطیع شامل چھہ۔

مثالہ کنی دموکھ کینہہ حصہ تاکہ پران والین گوشہ اندازہ زیہ کتاب کتھہ پاٹھری چھہ پنز سنز کام پنہ ناوہ کرتھ چھپاونہ آمز۔

--(۱)--

راہی چھہ نہ صرف عربی عروض نسبت خانلری سنز کتابہ پٹھہ سپد سیوہ درجمہ کران، بلکہ چھہ شاعری تہ وزنس متعلق عام خیال تہ لفظ بہ لفظ تاران۔ یعنی شعر کتھ ونو تہ وزن کتھ ونو، تہ تام چھہ ترجمہ کرنہ آمز۔ وچھو کینہہ مثالہ:

خانلری: از قدیم ترین زمانی کہ اصطلاح شعر

یا معادل آن در زبانهای دیگر بہ یکی از انواع ہنر

اطلاق شدہ ہمیشہ مفہوم آن با مفہوم وزن ملازمہ

یہ چھہ بوزمت ز یونیورسٹی ین منز چھہ واریاہ ریسرچ سکالر اورہ پورہ کتاب پٹھہ مواد تھہ مقالہ تیار کران، مگر کانہہ ادیب سندری سنز کام ترجمہ کرتھ پنہ ناوہ چھپاؤن چھہ کسے پن بوزمت۔ اردو وس منز آوساختیات کس سلسلس منز گوپی چند نارنگ سنز اکس کتابہ متعلق حال حالے ینہہ کرنہ ز سنز کتاب چھہہ بلاحوالہ انگریزی کتاب بوزمہ بڈی بڈی حصہ ترجمہ کرتھ تیار کرنہ آمز۔ یوہے حال چھہ کاشرس منز رحمن راہی سنز ”کاشر شاعری منز وزنک صورت حال“ کتابہ ہند۔ یہ کتاب چھہہ ۸۰ فیصد پنز سنز کتابہ ہند سپد سیوہ ترجمہ تہ باقی ادبین ہنزن را ین ہنز پنہ زبانی منز کنہ حوالہ ورآے پھرن۔ راہی ین چھہ اتھ کتابہ پٹھہ پنن ناوہ بحیثیت مصنف کھولمت، یمہ کنی یہ کتاب سرقہ یا پنز سند مال پننس کھاتس تروانہ کس زمرس منز یوان چھہہ؟ یہ کتاب چھہہ فارسی ادیب پرویز ناتل خانلری سنز کتابین خاص کر ”وزن شعر فارسی“ کین ابتدائی حصن ہند سپد سیوہ ترجمہ تہ امہ علاوہ کینون یورپی محققن تہ امین کامل بن خیالاتن ہند چر بہ۔

وچھوامہ ۱۰۷ صفحہ واجتہ کتابہ ہنز صفحہ وار تفصیل:

صفحہ ۷ پٹھہ صفحہ ۸ تام راہی پنز پنز تمہید

داشتہ است۔ (وزن شعر فارسی، ص ۳)

راہی: وول گویہ تہ چھ اکھ توارنجی پزر ز
شعرک مفہوم چھ قدیم کالہ پٹھہ دنیا کین سارنے
تومن نش وزنہ کس کینہ نہ کینہ مفہوس ستر مسلک
رودمت۔ (ص ۹)

خانلری: صورت شعر را کہ مقید بہ وزن و
قواعد دیگر نظم است جزو ماہیت آن نمی
شمارد۔ (ص ۱۳)

خانلری: منطقی را بہ ہیچ یک از وزن و تساوی و
قافیہ نظری نیست مگر اینکہ بند کہ چگونہ سخن خیال انگیز
و شورانندہ می شود۔ (ص ۱۴)

شمس الرحمن فاروقی: میرا کہنا یہ ہے
کہ جدلیاتی لفظ شاعری کی ایک مخصوص اور معروضی
پہچان ہے۔ (ص ۵۳)

راہی چھ پٹھمین تریشونی جملن رلا و تھ ترجمہ پیش کران:
راہی: شعرہ باوڑ با پٹھہ پٹھہ پاٹھہ نہ ردیف تہ قافیہ
لازمی مانہ چھ آمت چھ تھہ پاٹھہ چھ نہ وزن یا ونو
میو تہ امہ چہ مولہ ماہیو منز شامل گنزر نہ یوان۔ تہ
شعرس تہ غیر شعرس فرق کرنچ بنیادی کہوٹ چھہ
شعرہ باوڑ منز ورتا ونہ واجینی خاص الخاص جدلیاتی
زبان مانہ یوان۔ (ص ۹)

خانلری: اما وزن حیاتی است تابع نظام ترتیب
حرکات و سکانات آن عدد و مقدار کہ نفس از ادراک
آن ہیات لذتی مخصوص یابد۔ (ص ۲۴)

خانلری: وزن نوعی از تناسب است۔ تناسب
کیفیتی است حاصل از ادراک وحدتی در میان
اجزا متعدد۔ (ص ۲۴)

راہی: ہیکو وزنہ تلہ مراد سو تنظیم تھہ یوسہ
فکری تہ احساسی سر گرمیہ ہند اتھہ واسہ کلام چین
مختلف آوازن منز قائم سپدان چھہ تہ تھہ کلامس
کینہ مخصوص قالبس منز ترا و تھہ کا نہہ مخصوص صورت
تھہ اکھ لذت بخش تنو سب عطا کران چھہ۔
(ص ۹)

خانلری: وزن نظم و تناسبی است در اصوات و در
شعر بجای اصوات کلمات است و کلمہ شامل چند
صوت ملفوظ است کہ بہ مواضع میان اہل زبان
نشانہ معنی خاصی باشد۔ پس در تقسیم کلمہ بہ اجزا آن
کو چک ترین جزی کہ می توان یافت واحد ملفوظی
است۔ (ص ۹۳)

خانلری: وزن نظم و تناسبی است در اصوات؛
شعر از کلمات تشکیل می شود و کلمہ مجموعہ ای از اصوات
ملفوظ است۔ (ص ۱۱۱)

راہی: وزنہ تلہ چھ مراد آوازن ہنز باہمی تنظیم تہ
تناسب۔ شعر چھہ مشتمل آسان لفظن پٹھہ تہ لفظ
چھہ بجایہ خود مشتمل آسان کینہ اکس یا کینون
آوازن پٹھہ۔ کینہ لفظس ہر گاہ آوازن حسابہ
با گرن کرو حاصل سپدن وول ساروے کھوتہ
لوکوٹ حصہ چھہ اکھ واحد آوازن بنان۔ (ص ۱۷)

تھہ پاٹھہ چھہ کتابہ منز جایہ جایہ عمومی تنقیدی نکتہ تہ کینہ حوالہ
ورائے ترجمہ کرتھہ دنہ آمت۔

--(۲)--

خلیل نس عروض پڑھ یوس نکتہ چینی راہی کران چھ، سو تہ چھہ
سارے لفظ بہ لفظ خانلری سنز کتابہ پڑھک ترجمہ۔ کینہہ مثالہ:

خانلری: ہمہ مورخان و علمای لغت کہ در بارہ
خلیل بن احمد و کیفیت وضع علم عروض گفتگو کردہ اند
متفق اند در این کہ پیش از او پہنچ کس در زبان عرب
تو اعدی برای اوزان شعر نمی دانستہ و کمترین سابقہ
ای در این باب وجود نداشتہ است، بہ این سبب
وضع عروض را نوعی از الہام شمردہ اند۔ (ص ۸۴)
راہی: اتھ عروض متعلق یو پرائیو تواریخ نویسو
تہ علم لغاتہ کیو عالمو کتھ کر مژ چھہ تمن سارنہ چھہ
بہت اوسمت ز خلیس برو نہہ چھہ نہ کانی عربی
شاعری ہندس و زلس متعلق کینہہ قسمہ کین قاعدن
ہنز کانہہ زان اُسمتہ نہ چھہ خلیس بروٹھہ کینہہ امہ
نوعیو ہند پیہہ کینہہ زبانی ہند کانہہ رہنما نمونہ
اوسمت۔ تہ توے کئی چھہ تسد دس عروض اختراع
سپدنک واقعہ یہ دلی ز تہ الہامک نتیجہ گزرنہ
آمت۔ (ص ۱۳)

خانلری: بنا بر این مقدمہ واحد وزن ہجاست و
این نکتہ ای است کہ مورد اتفاق ہمہ است و در آن
اگر مگر راہ ندارد۔ اما در عروض بنیاد وزن را بر حروف
متحرک و ساکن گذاشتہ اند و بہ این معنی توجہ نکرده
اند کہ حرف ساکن در سخن بہ تلفظ نمی آید مگر آن کہ با
حرکتی ترکیب شود۔ منشا این اشتباہہ گویا رسم الخط عربی
بودہ است کہ در آن حرکات را از حروف نمی شمارند
بلکہ از اعراض حروف محسوب می دارند۔ (ص ۹۳)
راہی: امہ وہ کھنیہ تلہ چھہ یہ نوکتہ نون نیران ز

وزنک سنگ بنیاد چھہ ہیکل، تہ یہ چھہ سو نوکتہ یس کل
عالمکو دانشمند درست مانان چھہ، تہ اتھ منز چھہ نہ
کینہہ تہ چون و چرا پہنچ گنجائش۔ اما پوز خلیلی عروض
منز چھہ ہیکلو ناوچ پیہہ کینہہ کئی نظر انداز سپز مژ تہ
امہ بجایہ چھہ و زلس متحرک تہ ساکن اچھرن پڑھ
کین کھارنہ آمت، بظاہر یہ حقیقت مشر تھ ز ساکن
اچھرس چھہ نہ تو تام پزنہ پانھو پھورے ممکن سپدان
یو تام نہ تھ زبر، زیر پیش وغیرہ ہش کانہہ حرکت
مدد کر۔ (ص ۱۸)

خانلری: اگر مراد از تقسیم شعر بہ ارکان تجزیہ آن
بہ اجزا بسیط بودہ است چنان کہ می بینیم این اجزا
بسیط نیست و اگر در این کار ترکیبات اصوات بسیط
یعنی ہجا ہا را در نظر داشتہ اند پس افاعیل چیست؟ و
چرا افاعیل را نیز بہ ارکان تجزیہ کردہ اند و چرا فقط
بعضی از وجوہ ترکیبی ہجا ہا را از ارکان شمردہ و وجوہ
دیگر را از قلم انداختہ اند۔ (ص ۹۴-۹۵)

راہی: ہر گاہ امہ با گزنی ہند مقصد شعر چہ بیون
بیون بسیط آوازہ (یا نو ہیکلو) با ہم رلا و تھ تمن بسیط
آواز ن پڑھ مشتمل مرکب تیار کرنی اوس تیلہ کویہ
با پتہ چھن افاعیل تہ دس تراوڑ مژ؟ تہ تیلہ کیا ز
افاعیل تہ مزید ضمنی رکنن منز با گرنہ یوان؟ تہ تیلہ
کیا ز صرف کینوے مرکب صورت ز رکنن منز شمار
کرنہ یوان تہ باقی پتھر تراونہ یوان؟ یہ کھر کیا ز؟
(ص ۲۰-۲۱)

خانلری: از جانب دیگر اگر وزن نظم و تناسبی
است در اجزائ سخن موزون پس غایت مقصود در علم
عروض باید این باشد کہ آن نظم را نشان دھد و مراد

از تقسیم سخن موزون بہ اجزا جزا این نیست۔ اما علمای عروض با این دستگاه عروض و طوہلی کہ چیدہ اند در تقطیع اکثر اوزان نظم نشان نمی دهند و بلکہ نظم موجود را برہمی زنند۔ مثلاً یکی از اوزان رباعی را کہ ہزج مثنیٰ اخرم اشترازل (با این نام کوتاہ و دلپذیر) خواندہ اند بر ”مفعول فاعلن مفاعیلن فع“، تقطیع می کنند یعنی مصراع را بہ چہار جز تقسیم کردہ اند کہ میان آنہا تساوی و نہ تشابہی وجود دارد۔ حال آن کہ اگر مثلاً ہمین وزن را بہ پنج جز بہ طریق ذیل تقسیم کنیم: فع لن فع لن فعول فع لن فع لن،

(ص ۹۶)

راہی: یہ کتھ چھہ بروٹھے کھرہ گھرہ زوزنہ تلہ چھہ مراد موزون کلامہ کین جزن ہنز باہمی تنظیم تہ تناسب۔ ظاہر چھہ زہ یہ بنیادی کتہ نظر تل تھاتھہ گھرہ کتہ تہ وزنہ نظام مقصد آسن موزون کلامس منز موجود تنظیم تہ تناسب بد کڈن۔ میوہ باگے کر تک مقصد تہ گھرہ تی آسن۔ اما پوزیبلہ زیر تبصرہ عروضکو ماہر مقررہ قاعدہ مطابق شعرن تقطیع کران چھہ اکثر صورتون منز چھہ نہ سہ مدعا بعمل یوان۔ یسلہ پاٹھی چھہ سپدان یہ زمتعلقہ وزنہ کین جزن کئی تنظیمہ ہند تہ کئی تناسبک چھہ نہ کانہہ باس لگان تہ ستی چھہ زیر تقطیع کلام موزونس منز بجایہ خود موجود تنظیمہ تہ تناسبس تہ ادراہ کھل گھرہان۔ مثالہ با پتھہ نیو رباعی ہند و مقررہ وزنہ منزہ اکھ وزن۔ امہ وزنک محض ناو بوزتھہ ہیکہ کانہہ تہ کاشرس تلواستھہ۔ ناو چھہ ہزج مثنیٰ اخرم اشترازل تہ اتھ وزنس چھہ ژور و مقررہ میوہ باگو مطابق تانہ

باگے کرنہ یوان۔ یعنی مفعولن فاعلن مفاعیلن فع۔ تہ زن گوز و شعرک اکھ مصرعہ چھہ تنھن ژون جزن منز باگرنہ یوان یکن پانہ والو نہ کانہہ توازن چھہ تہ نہ کانہہ ہشر۔ اگر یوہے وزن بدل پاٹھر باگراوون کتہ قسمک ہیرہ پھیرہ پاو نہ وارے ژورو بجایہ پاٹھہ افاعیل بناوتھہ یہ تقطیع: (ص ۲۶)

خانلری: مشابہت بعضی از اصطلاحات لوی و عروضی سنسکریٹ با آنچه در عروض عربی بکار رفتہ قابل تامل است۔ از آن جملہ مشابہت ہمین کلمہ ”اری“ بالفظ عروض کہ نام جز آخریمہ اول بیت است۔ دیگر مشابہت اصطلاح Sabda با ”سبب“ و Varta (بہ معنی مرکب) با ”وتد“ و ترکیب Sabdavattvat با ”سبب و وتد“، و بعضی کلمات دیگر کہ یا بہ حسب لفظ یا در معنی شباهت دارند۔ (ص ۸۸)

راہی: بلکہ اوکن تھہ مشابہو کن تہ اشارہ کو رمت یوسہ تس مذکورہ دون زبانن منز مروج لغوی تہ عروضی اصطلاحن منز در پٹھر آٹھ اس۔ مثلاً عربی ”سبب“ تہ سنسکرت ”سبب“ (Sabda)، عربی ”وتد“ تہ سنسکرت ”ورتہ“ (Varta) تہ تھہ پاٹھر عربی ترکیب ”سبب و وتد“ تہ سنسکرت ترکیب ”سبب و تد“ (Sabdavattat)۔ (ص ۱۴)

خانلری: بنا بر اشارہ ابو ریحان بیرونی و بہ موجب مشابہتی کہ میان قواعد اوزان ہند و عروض عرب ہست، و این کہ بسیار بعید می نماید کہ کسی علمی را از آغاز تا انجام خود یکبارہ ابداع کردہ باشد، می توان گمان برد کہ خلیل بن احمد در اختراع قواعد

عروض بہ اصول علم اوزان سنسکرت نظر داشتہ و
قوانین عروض عرب را از روی آن ساخته و پرداختہ
باشد۔ (ص ۸۸)

راہی: المیرونی بن اُس تمن واریا ہن ہشرن ہنز
تفصیلہ سان نشانہ ہی کر مثریم تس عربی تہ سنسکرت
وزنیاتن ہندن اصولن تہ قاعدن منز لبنہ آمتر
اُس۔ ستنی ہر گاہ۔ تہ سولس پٹھ تہ غور سپد ز عروض
ہیواکھ باگہ یارت علم اندہ وندہ کانسہ اکس نفرہ
سندر دتر ایجاد سپدن ماچھہ بعید از امکان باسان
نیلہ چھہ نہ یہ ظون قیاسہ دور ز عربی عروضکو اصول
تہ قاعدہ اختراع کرنس دوران آسہ ہن خللیس شاید
سنسکرت وزنیاتکو اصول تہ قاعدہ تہ نظریتل رودر
متر۔ (ص ۱۴)

خانلری: منشا این اشتباہ گویا رسم الخط عربی بودہ
است کہ در آن حرکات را از حروف نمی شمارند بلکہ از
رفع اشکال حروف ساکن و متحرک را ترتیب را
ترکیب کردہ از آنها اسباب و اوتاد و وصل ساختہ و
اسباب و اوتاد و فواصل را اجزا وزن پنداشتہ
است۔ (ص ۹۴)

راہی: غالباً چھہ تمہہ با پٹھہ عربی زبانی ہند رسم خط
ذمہ وار، تکیا ز تمہہ رسم خطہ موجب چھہ نہ حرکتز اچھہ
مانندہ یوان بلکہ اچھہ ہندی عرض (نہ ز جوہر)۔
باسان چھہ خللیس چھہ پانس امہ کتھہ ہند ظون
اوسمت، توے تہ چھہ تکر یہ مولی مشکل دور کرنہ موکھہ
متحرک تہ ساکن اچھہ رلاوڈ رلاوڈ تر بن زمرن
پٹھہ مشتمل اسباب، اوتاد تہ فواصل بناوڈ
متر۔ (ص ۱۹)

خانلری: وشارہ آنہانز دشمس قیس سی وینچ است و
عروضیان دیگر چندتای دیگر نیز بر این شمارہ افروده
اند۔ نام از اچیف سی وینچ گانہ کہ در انجم آمدہ از
این قرار است: ۱۔ قبض، ۲۔ قصر، ۳۔ حذف،
۴۔ خبن، ۵۔ کف، ۶۔ شکل، ۷۔ خرم، ۸۔ خرب،
۹۔ شتر، ۱۰۔ قطع، ۱۱۔ تشعیث، ۱۲۔ طی، ۱۳۔
وقف، ۱۴۔ کشف، ۱۵۔ صلح، ۱۶۔ معاقبت، ۱۷۔
صدر، ۱۸۔ عجز، ۱۹۔ طرفان، ۲۰۔ مراقبت، ۲۱۔
اسباغ، ۲۲۔ اذالہ، ۲۳۔ جدع، ۲۴۔ ہتم،
۲۵۔ جھت، ۲۶۔ تخنیق، ۲۷۔ سلخ، ۲۸۔ طمس،
۲۹۔ جب، ۳۰۔ زلل، ۳۱۔ نحر، ۳۲۔ رفع،
۳۳۔ ربح، ۳۴۔ بتر، ۳۵۔ حدذ۔ (ص ۹۷)

راہی: مثلاً مشہور عروض دان دشمن قیس رازی بن
چھہ ۳۵ فرعی جز گنزر دتر، یہندی چھہ اناو بوڈر
تھے کم از کم مہ ہوس اکس عام کاشرس وودر
ووتھان چھہ۔ ناو چھہ: ۱۔ قبض، ۲۔ قصر،
۳۔ حذف، ۴۔ خبن، ۵۔ کف، ۶۔ شکل،
۷۔ خرم، ۸۔ خرب، ۹۔ شتر، ۱۰۔ قطع، ۱۱۔ تشعیث،
۱۲۔ طی، ۱۳۔ وقف، ۱۴۔ کشف، ۱۵۔ صلح، ۱۶۔
معاقبت، ۱۷۔ صدر، ۱۸۔ عجز، ۱۹۔ طرفان، ۲۰۔
مراقبت، ۲۱۔ اسباغ، ۲۲۔ اذالہ، ۲۳۔ جدع،
۲۴۔ ہتم، ۲۵۔ جھت، ۲۶۔ تخنیق، ۲۷۔ سلخ،
۲۸۔ طمس، ۲۹۔ جب، ۳۰۔ زلل، ۳۱۔ نحر،
۳۲۔ رفع، ۳۳۔ ربح، ۳۴۔ بتر، ۳۵۔ حدذ۔
(ص ۲۲)

خانلری: نتیجہ ای کہ از این طریقہ حاصل شد
این بود کہ خلیل و اتباع وی ناچار شدند اجزائی را کہ

آوازن ہندو مجموعہ۔ ”چند صوت ملفوظ“ نہ ”اصوات ملفوظ“، ہیکن نہ ”اکس یا کینون آوازن“ ترجمہ گیتھتھ۔ خانلری سندھن دوشونی جملن منر چھ نہ کنہ نہ ونہ آمت زلفظ چھ ”اکس آواز“ پٹھ مشتمل آسان۔ یہ چھ دراصل خانلری سنز پیس ترکیب ”واحد ملفوظی“، یک غلط ترجمہ۔ تعجب چھ راہی چھ فارسی یک ووستاد رودمت۔ امہ ترجمہ پتہ چھ راہی خانلری سندھن پیہ کینون جملن ترجمہ کران:

خانلری: پس در تقسیم کلمہ بہ اجزا آن کو چک ترین جزی کہ می توان یافت واحد ملفوظی است کہ اگر چه خود از اجزا کو چک تری ترکیب یافته اما با یک دم زدن بی فاصلہ و قطع ادای می شود و گویندہ و شنوندہ آن را بہ عنوان ”واحد گفتار“ ادراک می کند۔ ہر یک از این واحد ہای گفتار را اکنون بجای خوانندہ و نزد دانشندان پیشین مقطع خواندہ می شد۔ (ص ۹۳)

راہی: کنہ لفظس ہر گاہ آواز و حسابہ با گرن کرو حاصل سپدن وول ساروے کھوتہ لوکوٹ حصہ چھ اکھ واحد آواز ننان۔ سایمو گراف (cymograph) ہشو مشینو ذریعہ بد نیرن والو صوتی زاوہ جار اکھ کن تر آوتھ ہیکو وثوقہ سان وٹھ ز واحد آواز تلہ چھ مراد سو اکھ آواز یوسہ نہ مرکب آسہ، یعنی یتھ نہ مزید حصہ باگے سپد تھ ہیکہ۔ اصطلاحہ پاٹھو چھ یٹھہ کنہ آواز بسیط آواز ونان۔ تہ بسیط آواز چھہ یا تہ پانے تن تہا کانہہ معنہ دوان تہ نتہ چھہ پیہ کنس اکس یا اکہ کھوتہ زیادہ آوازن ستر رلتھ کانہہ معنہ سو لفظ بنان۔ لفظہ چہ امہ و بھونہ کنہ ژار نہ آمہ یٹھہ پرتھہ اکس

در اوزان فرعی یافتہ بودند مشتق از اجزا اصلی ہشتگانہ بشمارند و برای اشتقاق آنها قواعد معضل و درہمی بہ نام از احیف و علل پتراشند۔ (ص ۹۵)
راہی: یاد پاوڑی لایق کتھ چھہ یہ زیم ساری فرعی (یا نو فرعی افعال) چھہ مختلف تھ نہ آمتن قاعدن ہند مدتہ اصلی افعال منرہ لجن ہندو پاٹھو کڈ نہ یوان تہمن قاعدن چھہ زحاف تہ علت ونان یا جمع بناوتھ از احیف (یا زحافات) تہ علل۔ (ص ۱۲۲-۱۲۳)

یم اقتباس چھہ کافی یہ ہاونہ خاطرہ ز یہ کتاب چھہ ترجمس پٹھہ مئی تہ تھ راہی سنز تصنیف ون چھہ غلط۔ یہ چھہ حقیقت ز کتابہ پڑتھ چھہ سانی خیالات تہ راہی تشکیل لبان تہ امہ کنہ چھہ کتابن اندر تہ خیالاتن ہند تسلسل میلان۔ مگر پیو سنز کتاب پڑتھ خیالاتن ہنز تفشیل چھہ اکھ کتھ تہ سروٹی ترجمہ کتھ پیو سنز کتابہ ہندو حصہ پنہ کتابہ منر کنہ حوالہ ور آے شامل کرنہ گویا کھ چیز۔ یہ چھہ تیلی سپدان بیلہ یم خیالات پرن والو سندہ ہنکو تہ سوچکو حصہ پتھہ آسن نہ ہیکو مٹو۔ تھ چھہ نقل نویسی ونان۔

--(۳)--

وونہ وچھو خانلری سنز کتابہ پٹھہ غلط ترجمہ تہ مثالہ ہنا۔ راہی چھہ ترجمہ کران:

راہی: وزنہ تلہ چھہ مراد آوازن ہنز باہمی تنظیم تہ تناسب۔ شعر چھہ مشتمل آسان لفظن پٹھہ تہ لفظ چھہ بجایہ خود مشتمل آسان کنہ اکس یا کینون آوازن پٹھہ۔ (ص ۱۷)

راہی ین چھہ یہ جملہ خانلری سندہ یو دو یو جملو پٹھہ ترجمہ کو رمت۔ خانلری سندھن دوشونی جملن منر چھہ ونہ آمت زلفظ چھہ آسان

آواز اُسی پرانی عرب کیو ایرانی ووستاد ”مقطع“
ونان، از چھس فارسی والی ”ہجا“ ونان۔ (ص ۱۸-۱۷)

راہی چھ امہ اقتباس کہ گوڈنکہ جملہ پتہ ژلان تہ اور چہ یورچہ
کتھہ منز تراوان۔ حالانکہ گوڈنکہ جملہ پتہ چھہ خانلری سندس
اقتباس منزال اصل کتھہ ونہ آمر۔ گوڈنیک جملہ چھہ محض تہید، باقی
چھہ مقصد۔ ژلنک وجہ چھہ یہ ز راہی چھہ ہتمہ اقتباسکو پاٹھو
خانلری سندس ”واحد ملفوظی“ لیس ”واحد آواز“ ترجمہ کران، یہ
کزی اتہ اور تس خانلری سند اقتباسک منہوے اتھہ چھہ نہ
آمت۔ تس چھہ نہ یہ سمجھ آمت ز خانلری چھہ ”واحد ملفوظی“
اصطلاح ہجملہ خاطرہ ورتاوان، آواز خاطرہ نہ۔ لہذا چھہ راہی
لیس کھر آمت تہ چھین کتھہ اتہ اور سید سیوہ ترجمہ بجایہ ”پننہ
لفظن منز“ پیش کر مژہ۔
راہی ین یہ جملہ:

”واحد آواز تہ چھہ مراد سو اکھ آواز یوسہ نہ مرکب
آسہ، یعنی تہ نہ مزید حصہ باگے سپد تھہ ہیکہ“
چھہ خانلری سند یہ جملک اڈلیوک ترجمہ:

”مراد از قید بسیط در این تعریف آن است کہ
نتوان آن را بہ اجزای کوچکتر تقسیم کرد کہ بعضی از
آنها با اجزای دیگر قابل ترکیب باشند“

تہ سستی چھہ پتہ خانلری سندس تہ جملس تہ ترجمہ نوان کر تھہ:
”اما ہیچ از این اجزایا در کلام نمی آید و کوچکترین
جزی کہ بہ تنہای قابل تلفظ باشد ترکیب و تالیفی از
چند حرف است۔ ابوعلی سینا در تعریف ہجا کہ آن را
مقطع می خوانند“۔ (ص ۱۳۶)

چونکہ راہی چھہ نہ خانلری سندس تہ چھین اقتباس مکمل ترجمہ ہرکان
کر تھہ، لہذا چھہ ہجملک غلط تعریف اسہ برونہہ کنہ تھاوان۔ یونہ

کنہ وچھو خانلری کتھہ پاٹھو چھہ ہجملک تعریف کران۔
”شعر از کلمات تشکیل می شود و کلمہ مجموعہ ای از
اصوات ملفوظ است۔“

یعنی شعر چھہ لفظوستی بنان تہ لفظ چھہ ’اصوات ملفوظ‘ یعنی ہجملن
ہندی مجموعہ نوا وازن ہندی مجموعہ۔

”در تقسیم کلمہ بہ اجزای آن کو چک ترین جزی کہ می
توان یافت واحد ملفوظی است کہ اگر چہ خود از اجزای
کوچک تری ترکیب یافتہ اما با یک دم زدن بی
فاصلہ و قطع ادائی شود و گویندہ و شنوندہ آن را بہ
عنوان ”واحد گفتار“ ادراک می کنند۔“

یعنی لفظ تقسیم کرنس منزیم لوکڑ جزا تھہ یوان چھہ، تم چھہ ’واحد ملفوظی‘
یعنی ہجملو تہ تم ہجملو چھہ پانہ لوکٹن جزن ہندی مرکب (یعنی آوازہ،
منیب) مگر اکو سہ شمس منز چھہ کنہ ژھبنہ یا ز تھہہہ وراے ادا
گروہان تہ بولن وول تہ بوزن وول چھہ یمن گفتارک اکھ جز unit
ز اُن تھہ ژنیان۔ (واحد ملفوظی ترکیبہ در میان گروہہ اضافتہ پرئی،
منیب)۔ راہی ین چھہ نہ یم حوالے سمجھہ ہیکو مژہ۔ سہ چھہ ’واحد
ملفوظی‘ لیس ’واحد آواز‘ یعنی اکھ آواز ترجمہ کران۔ سہ چھہ اتھ
ترکیبس شاید اضافتہ وراے پران۔ اگر راہی ین نم اقتباس
تجمت آسہ ہے:

”گفتار عبارت است از یک سلسلہ ارتعاشات
صوتی متوالی کہ بیانی بہ گوش شنوندہ می رسد۔ اما
شنوندہ در این سلسلہ قطعائی تشخیص می دہد کہ بہ منزلہ
حلقہ ہای متصل زنجیر است۔ این حلقہ ہا را ہجا یا
مقطع syllable می خوانیم“۔ (ص ۱۳۷)

سہ کر ہے نہ یژ تھہ کتھہ:

”وزنج اولین گنہ کنی یا ونو اولین رکن چھہ یک
راے سپد تھہ سو آواز مانہ آمر یوسہ واحد تہ بسیط

--(۴)--

راہی چھ خانلری سنز کتابہ پٹھ نہ صرف اچھ وٹھ ترجمہ کران بلکہ چھ تند نظر پیچ نہ طریق کار پیچ اچھ بند کر تھ تقلید کران۔ مثلاً تند نظریہ چھ ز چونکہ فارسی زبان چھبہ تا کیدی زبان، لہذا اچھبہ امہ چہ تمام شاعری ہند وز پیچ بنیاد تا کیدس پٹھ۔ چونکہ اسلام بروہم فارسی شاعری ہند نمونہ چھبہ نہ دستیاب، لہذا چھ خانلری لکھ باتن، گون باتن ہنزہ مثالہ تھ قدیم فارسی شاعری منز تا کید ثابت کرن پیچ کوشش کران نہ تمہ پتہ مروجہ فارسی عروض منز تا انج موجودگی ہاوان۔ فارسی لیس منز چھ مسلہ زمین نش چھ نہ تمہ شاعری ہند کا نہہ خاطر خواہ نمونہ موجود لیس ایران کہ مقامی وزنک نمونہ پیش کر ہے، مگر کا شرس منز چھبہ صورت حال اتھ برعکس۔ اسہ نش چھبہ لیل دید پٹھ احد زر گرس تام ٹہ واد شاعری موجود یوس کا شرس وزنہ گند نہ آمر چھبہ۔ لہذا اچھبہ نہ اسہ لوکہ باتن منز وڈن دینج کا نہہ ضرورت۔ مگر راہی چھ خانلری لیس اچھ وٹھ تقلید کر تھ لکھ باتن منزے کا شرعروض ژھانڈان۔ سہ چھ لیکھان:

”بہ کرہ کوشش کشیر منز وٹہ تہ مقبول لکھ شاعری ہنز و کینون مثالن وزنہ حسابہ سام پیچ دو تمہ ستر لیل وا کھو، شینہ شرو کیو علاوہ کا شرس وڈن شاعری تہ جدید آزاد نظمہ ہند تہ کینہہ پھیرہ ہا میوہل خولہ خط بد کڈنس منز مد میلہ۔“ (ص ۴۳)

یعنی ٹہ واد شاعری ہند خولہ خط چھبہ ”وٹہ تہ مقبول لکھ شاعری ہنز و کینون مثالہ“ ستر تہ کڈنی۔ اسی کیا نہ چھبہ نہ براہ راست لیل وا کھو، شینہ شرو کیو تہ وڈن شاعری منزہ یمن ہند خولہ خط تہ کڈان؟ لکھ شاعری ہنز و کینون مثالہ منزہ کتھ پاٹھک نیر سہ کا شرعروض تون لیس نہ لیل دید پٹھ احد زر گرس تام کہ شعرہ سرمایہ منزہ تون نیر تھ ہیکہ؟ خانلری یمن چھبہ لکھ باتن وٹھ خولہ خط بد کڈنہ خاطرہ ورتاؤ متری، لہذا اکو راہی یمن تہ تقلیدس منزتی۔ حالانکہ خانلری لیس نش اُس

آسہ (یعنی غیر مرکب آسہ، یعنی تھ نہ مزید حصہ باگے سپد تھ ہیکہ) تہ تھ اسہ ہیکل ناو کو ر، ادہ ژھوٹ یاز یوٹھ۔“ (ص ۱۹)

خانلری سند پٹھم اقتباس چھ صاف پاٹھک وٹان ز گفتار چھ لکھ اکس ستر یمنہ واجنہن آوازن ہند ارتعاشک سلسلہ لیس زن پیا پے بوزن والو سندس کنس تام واتان چھبہ۔ مگر بوزن دول چھبہ اتھ سلسلس ژھہن مشخص کران۔ تھ پاٹھک ہانکھہ ہند اکس پتہ بیا کھ یمنہ والو کرڈ چھبہ آسان۔ یمن کرن چھبہ ہیکل وٹان۔ یمہ اقتباسہ تلہ چھبہ صاف ننان ز ہیکل چھبہ نہ بسیط آواز بلکہ آوازن ہند کرڈ یمن ہنز ژھہنہ بندی زبان بولن دول مشخص چھ کران۔ اتھ برعکس چھبہ راہی بسیط آواز تھ نہ مزید حصہ باگے سپد ہیکل وٹان۔

واحد ملفوظی گوڈا انگریزی پاٹھک a pronounciable unit یا a unit of pronunciation - خانلری چھبہ امہ موکھ یہ اصطلاح ورتاوان تکیا ز روایتی عربی فارسی لسانیاتس منز چھبہ یہ تصور ز اچھبہ ہیکو کھ نہ مصوتن (حرکت) ہند مدتہ ور اے پھورر اوتھ۔ لہذا اوس پھورک گوڈ نیک جز کم از کم متحرک حرفس یا دون حرفن پٹھ مشتمل۔ اتھ چھبہ سہ واحد ملفوظی، چند صوت ملفوظ، اصوات ملفوظ، بیتز وٹان۔ راہی یمن چھبہ پینس تر جمس منز واحد ملفوظی اصطلاحک گوڈ نیک لفظ واحد جز یا گن یعنی unit کہ بجایہ ’اکھ‘ یا ’مفرد‘ کس معنیس منز نمٹ تہ واحد ملفوظی لیس ’اکھ آواز‘ ترجمہ کو رمت۔ ترجمہ خاطرہ گوڈہ متنک سیاق معلوم آسن، نہ کرہہ ترجمہ لفظی یعنی حرف بہ حرف تہ غلط۔

صرف لکہ باتھ تہ نش اوس نہ قدیم فارسی شاعری ہند کا نہ نمونہ
تکیا ز رڑھراونہ آثر سارے فارسی شاعری چھبہ اسلام پنج شاعری
یو عربی عروض ورتو، مگر کاشترن نش چھبہ مقامی شاعری ہنزا کھ بڈ
روایت یوس گو نہ کڑ ویک تام زندہ روایت چھبہ۔ اسمہ کیا
ضرورت چھبہ لکہ باتن امہ خاطرہ وون دنج۔ آتھ چھبہ ونان اچھ
وٹھ نقل کرن۔ خانلری چھبہ مثالیہ لکہ باتھ تلان تہ امیک تجزیہ
کران:

اتل متل تو تولہ گاب حسن کو تولہ

نہ شیر دارہ نہ پستون شیرش برد کردسون

یہ زن کردی بستون اسمشو بزار عم قزی

راہی تہ چھبہ نم تہ بشتہ بشتہ بیاریو ہوو کا شر لکہ باتھ تلان تہ تم
خانلری سنز چالہ تجزیہ کران۔

گاشہ مڑتے آو دار کڑ ہے ژاو

سلہ سلے آو دار کڑ ہے ژاو

بومر چھبہ بھیتہ یے نکہ لال کڑ یے

ہیٹو مہ سے لاگڑ گلیہ سے رڑی رڑی

کیا سنا چھبہ ناو دار کڑ ہے ژاو

منز سبٹھاسلہ تصدیق کران۔ کامل چھبہ لیکھان:
کامل: شاعر اوس کنہ اصول تہ قاعدہ بدلہ محض
پندو کونو شاعر تفتیح (ژھبہ بندی) کران، اتھ
منز سہ ساری کھوتہ زیادہ اہمیت لفظن ہند تعدادہ
quantity بدلہ تہندس تلفظس پٹھ دباو stress
تراونس یا لکھتہ لکھتہ ادا کرنس پٹھ دوان
اوس۔ (کشیری شاعری کے اصناف، کوٹنگ پوش
۵۲)

کامل: مہانے پرکاش یال واکھ دہونڈ اندر چھبہ
نہ وزنج بنیاد ماترین (ارکان وزن) ہندس
تعدادس پٹھ تھاو نہ آثر، بلکہ چھبہ ارہن اچھرن تہ
لفظن ہندس دباو stress پٹھ کم زیادہ،
زٹھراونس تہ ژھوٹراونس پٹھ قائم۔ (سون
ادب ۱۹۷۶ء ص ۱۰۷)

کامل: اگرچہ یم سنسکرت چھبہ پکڑ نہ بروہہ،
واکھ تہ شروکڑ تہ گے راس۔ مگر ارہن اچھرن یا
لفظن پٹھ دباو stress تراونچ روایت روز کا شر
شاعری واریاہ لار۔ (سون ادب ۱۹۷۶ء ص
۱۰۹)

شفیع شوق تہ چھبہ یمنے محققن ہند نظریہ تلٹھ اتھ انگریزی شاعری
ہندس عروض ستر واٹھ دوان:

شفیع شوق: کاشتر عروض اوس فارسی عروض
کھوتہ سنسکرت ژھندن ستر زیادہ ہشر تھاوان۔
ژھندن منز چھبہ رکنن ہند تعداد برابر روزان۔
فارسی عروضک دارمدار چھبہ آوازن ژھوچرس،
زٹھرس، وقفن تہ رکنن ہندس تعدادس پٹھ۔ اتھ
برعکس چھبہ کاشترن واکھن منز عروضک دارمدار

--(۵)--

کتاہ ہند بیا کھ بڈ حصہ چھبہ انگریزی کتابو پٹھ ترجمہ کرنہ امت
یس انگریزی عروض کین تصوراتن متعلق چھبہ۔ راہی چھبہ نظریہ
پیش کران ز کاشتر عروض چھبہ انگریزی عروضکو پاٹھو تاکیدی
عروض۔ یہ نظریہ تہ چھبہ کنہ حوالہ ورآے ”پن سوچ“ بناوٹھ پیش
کرنہ امت۔ کاشتر شاعری ہند تاکیدی وزنک نظریہ پیش کرن
والہن منز آس گوڈہ یورپی محقق یمن منز آرل شاین تہ جارج
گریسن آس۔ یمنے وچھتھ چھبہ امین کامل تہ اتھ کتھ پننن لفظن

انگریزی شاعری ہندی پاٹھی سورن ہندس زورس یا
دباوس پٹھ۔ اکس زوردار آواز نہ بنیس زوردار
آواز درمیان ہیکن اکہ پٹھہ ژورلوڑہ آوازہ تہ
آستہ۔ یوہے لکھہ چھہ کاشرن واکھن منز تہ
باسان۔ (شیخ العالم تہ کی سند زمانہ، ص ۳۲)
راہی چھہ یمنے نش یہ نظریہ تلٹھ پنہ ناوہ کھتاوان تہ ونان ”اتھ متعلق
چھہ نہ ونیک تام کٹھ شروع سپد مت“۔

--(۶)--

وونہ وچھو مثا لورنگو کینہہ اقتباس یم امین کامل نیو مضمونو پٹھہ پھر نہ
چھہ آمتی:

کامل: کاشر زبانی ہند مزازہ ہیکہ نہ اتھ لپہ منزہ
ژھو چہ آوازہ بیک وقت ادا کرتھ۔ سہ کڈنا و لازما
ف تہ عی آوازہ۔ لہذا اتھ بحر منزیل شو دکاشر
مزازہ ہتھ غزل لیکھہ تس گٹھہ لازما ع آواز بدلہ
عی۔ (جوابا چھہ عرض، ص ۶۰)

کامل: یہ چھہ ہاوان ز فارسی لیہ نشہ چھہ نہ مہور
اغافل مگر کاشر لے چھس کوچہ پھیر کرتھ
ژھلراوان۔ (مہورین بونین تل، ص ۱۳۲)

کامل: یتھ کیا وجہ چھہ ز یمن غزلن ہندین
شعرن اندر چھہ نہ شاعرس وزنج تہ سودود برقرار
ہچھو روزتھ۔ (مہورین بونین تل، ص ۱۳۱)

کامل: دون بتن و رین ہندس اتھ شعرہ سرمالیس
اندر چھہ نہ کانسہ تہ شاعرس اتھ فارسی ضابطہ بند
وزنہ نظامس اندر کٹھ تہ تبدیلی ہند ضرورت محسوس
سپد مت۔ یہ چھہ الگ کٹھ ز غیر شعوری طور چھکھ

شعر کٹھ کٹھ و ز پٹھان تہ۔ رسول میر، مہور، آزاد
یکن فارسی کٹھ عروضہ زان تہ چھہ آسمو چھہ نہ امہ
نشہ چھہ۔ (سون ادب ۱۹۷۶، ص ۱۱۰)
کامل: غیر شعوری طور روز بڈن بڈن شاعرین
ہندس کلامس اندر تہ دباوس (کاشرک میوہ
نظامس) کام پنچ یہ خامی کلمہ کڈان۔ (سون ادب
۱۹۷۶، ص ۱۱۰)

کامل: سانی کن تہ ذہن پیلہ تم خالص کاشرک
آسن، چھہ نہ یمن وزن ہندس ایرانی آہنگس پورہ
پورہ ساتھ ہرکان دتھ۔ (سون ادب ۱۹۷۶، ص
۱۱۲)

راہی: سہ میوہ نظام چھہ میانی کٹھ کاشر زبانی ہندس
بناس تیوت شرتھ گومت باسان زیسلہ کاشرن
شاعرین چھہ نہ عربی فارسی عروض ورتاوان ورتاوان
تہ بسا اوقات تمہ نشہ پورہ پاٹھی لوب ہیون ممکنہ
سپد مت۔ (ص ۴۲)

یتھ اقتباس منر گوہن ”میانی کٹھ“ لفظ نوٹ کرنہ تہ۔ پٹھہ کٹھ
چھہ کامل سند شہ اقتباس تمن مضمون ہندی یم راہی ۱۹۷۶ پٹھہ
پران آوتہ یمن منر کاملن سوے کٹھ پھر پھر رنگہ رنگہ وونہ مٹھ چھہ
یتھ راہی ”میانی کٹھ“ وٹھ قبالہ کران چھہ۔

کامل: مہ چھہ وومید ز یہ مقالہ یہ چھپنہ پتہ
یمہ لحاظ سنٹھ پر نہ ز کانسہ شاعرس عروض چہ کہوچہ
پٹھہ پرکھاونچ گوڈونچ مثال۔ اوکڑ اہم تہ۔ امہ
علاوہ یتھ اہم مسلسل کن مہ ادبین ہند توجہ پھر نچ
کوشش چھہ کرمٹ، تھ پٹھہ سپد سنجیدگی سان
بوزشوز تہ کاشرک لیہ نظامس یہ اکھ ضابطہ بند شکل
ونچ کا نہہ صورت کڈنہ۔ (مہورین بونین تل، ص

(۱۳۶)

راہی: یہ مقالہ لیکھنک کن تہ کیول مدعا چھہ زیر نظر
موضوعس نسبت پزنہ پاٹھو سنجیدہ، درچہ ووٹھ،
حقیقت پسندانہ تہ مسلسل غور و فکر و ولساون سٹھ
کاشر زبانی ہند مزازہ نظر تل تھاوتھ کاشر شعرہ باوڑ
ہنز صدرین پٹھ پھلےتھ رواہ مولانکون کرتھ کلہم
کاشر شاعری ہند وزنیاتکو یا وونو میوہ نظامکو اہم
خولہ خط بد کڈنچ تہ پتہ مولہ اصول مقرر کرکے کام
آسان سپد۔ (ص ۹)

یہ کتھ گس کرانکار راہی ین چھہ کاملن سندے اقتباس پنہن
لفظن منزدوبارہ لیو کھمت۔

کامل: دویم یہ زیوت تام کاشر زبانی ہند تعلق
چھہ سوہیکہ نہ فارسی بحر ن تہ زحانی لتہ کھرین پدس
پٹھ پڑاوتھ پکتھ۔ اتھ چھہ پنہ زبانی مزازہ
مطابق پنہ قایدہ قانون بناوڑ۔ (مہجورنن بوئین
تل، ص ۱۳۳)

کامل: ایرانس منز بیلہ سانی پاٹھو عربی بحر تہ وزن
ورتاونک خشارہ آوٹمن تہ آیہ واریاہ تھئی مسلہ
درپیش۔ واریاہن عربی بحر کورکھ پنہ زبانی تہ
موسیقی ہند مزازہ مطابق ہیر پھیر تہ لیہ پھیر۔ غلط
کیا گٹھ ہرگاہ اس تہ پنہ زبانی تہ موسیقی ہند مزازہ
مطابق اتھ ووپر تہ تازہ وارو بحر منرف تہ رع
بجایہ تہ عی ون تہ روا تھاوو۔ (جوابن چھہ عرض،
ص ۶۱)

کامل: ایران کیو بیلہ عربی بحر ووزم انتھ تھن منز
پنہ زبانی تہ موسیقی لحاظ تبدیلی روا تھاو، نو نو لیہ کجہ،
اس زبانی چھہ یڑھن تبدیلین مند چھان۔

(سون ادب ۱۹۷۶، ص ۱۱۴)

راہی: یہ پٹھ مختلف زبانن ہند کی بہلہ پایہ
شاعر پنہ مخصوص تخلیقی تقاضو مطابق زحانن تہ
علون وغیرن ہند کی قسمہ قسمہ ووڑی ژڑی ژڑی نظر
کشانی ہند مناسب یو ندلس کران روڈی مٹو چھہ
کاشر شاعر کیا ز تھاوون تمہ یو ندسہ کہ فیضہ نشہ
محروم۔ (ص ۳۴)

کامل: پٹھم اقتباس اس دراصل راہی یسے جوابس منز لیکھنہ آمتو
یمن دوہن سہ فارسی عروض چہ رکھہ اورہ یورڈن گوناہ زانان
اوس۔ یمنے اقتباس ہنزہ کتھ چھہ قبول کرتھ حوالہ ورآے
کھتاوان۔

کامل: مگر یہ باور کرن چھہ مشکل زمین کیا آسہ
ہن نہ یم وزن کومہ آمتو تہ یم آسہ ہن مدہ شاعرن
ہند کی پاٹھو اکوڑی لیہ لہراماران۔ (مہجورنن بوئین
تل، ص ۱۳۰)

راہی: نتیجہ چھہ نیران اس چھہ بعضے رتن کیو
بڈن شاعرن ہند کی کینہہ شعر وچھتھ پریشان ہوڑ
گوہان زمین کس تل کرو۔ (ص ۳۵)

کامل: یہ چھہ ہاوان زمین نوہن مزازہ کھن
وزن اندر چھہ اسہ پنہ زبانی تہ موسیقی مزازہ مد نظر
تھاوتھ کم کاسہ ادلا بدلی کرنک ضرورت، بیک اکھ
تجربہ مہہ کریاوتہ تھ پٹھ وٹھو الگری تہ
ملگری۔ (سون ادب ۱۹۷۶، ص ۱۱۴)

کامل: اس چھہ وزن پہہ اٹان تہ یہ پہہ ان چھہ نہ
ہرچہ تہ گوناہ مگر اتھ منز اگر شعوری طور پنہ مزازہ
مطابق کینہہ زحافہ تبدیلی کرو، سہ تہ چھہ نہ عیب۔
اس کیا ز چھہ یڑھن تبدیلین مند چھان۔ (سون

